




ИВАН ВАВИЛИН

Менам
парма

СТИХЪЯС

1957



ИВАН ВАВИЛИН

*Менам
париа*

СТИХЪЯС



Коми книжной издательство
Сыктывкар 1957



Салдатлорн
туну



* * *

Қыз мамлы муса аслас қага,
Мем сідз жө муса сійө стих,
Қөн сьывсьө воинлөн отвага,
Қөн сьывсьө воин-фронтвик.

1942 во.

ЭГ ВӨВ МЕ ӨТНАМ

Артмис тай сідзикөн: өтнамён коли,
Врагъяс жө ме вылө зырсьоны нельён,
Быд боксянь кыйөдчө кытшавны страк.
Думайта: «Полөмысь вынаджык олөм!»
Ог, шуа, олөмөс сет тэныд, враг —
Сійө мем аслым на зэв ёна колө!

Ме өд Сөветскөй Отчизналөн воин,
Сы вөсна-й повтөмлун отсавны воис,
Сы дырйи видлас мед вөрзьюдны смерть!
Карьяссө кымынөс босьтлим ми ськөд!
Сідз жө и өні эг өтнамён, дерт,—
Враглысь атакасө венім ми кыкөн.

Көні көть эг вөв ме, матын көть ылын,
Рөдина воинсө аддзис и кыліс,
Ме кодъыс сьлөн көть уна миллион.
Өні, кор петі ме нельёнлы паньд,
Эг вөв ме ас кежын эновтөм зон —
Ме дінын тышкасис ыджыд странаным.

1942 во.

* * *

Кыдзкө тай лөсьыдтөм, ставыс ненога:
Бөрланьö мунігөн кокыд оз ну,
Йөзыслы сьөрсьыд кор нуан тревога,
Тэ вылө шогсьөмөн видзөдө му.

Топавлө сьөлөмыд: ывлаас ар нин,
Вундысьөс лунысь лун виччысьö степь.
Шыльквидзө, майбырöй, ставнас дзик зарни,
Сэтшөм нин жаль сійö — нопъяд көть дзеб!

Быттьö көзяиныс муыслөн кувсис,
Копыртис шепъяссö коткыльтчөм нянь.
Төдлытөг кытыськө, гашкө, му увсьыс
Быйкнитис-петис ар комына ань.

— Кытчö ті пышьянныд? — юалис скöрысь. —
Чайтад, тась мунас Сöветъяслөн власть?!
Мый нö нин шуан, кор вөрөг кок бöрад?
Шуим: — Приказ эм. И мунам ми тась.

Виччысям, мися өд, шуас: «Отставить!»
Сэтшөм командасö аныд эз сет.
Пытшкөсын сьод биөн сотчö нин ставыс...
Нывбаба бөрдзис, и ыпмунис степь.

— Мед сійö ыпъялө! Көдзлам на выльысь, —
Гөгыльтчö аныдлөн моль бөрся моль...
Нуан мөй степсö тэ пельпомъяс вылын?
Верман кө, дерт жö өд, враглы он коль!

1942 во.

МЕ КӨ КУЛА...

«Вешйы, смерть, сьод, мисьтөм вуджөр!
Ме бөрся эн вөтчы.
Повны тэысь ми ог кужö —
Кувны мортлы өтчыд.

Правöй делö вöсна кулөм
Лоас нэмтөм висьтөн.
Ме кө пыра кыз му улö —
Лыддьöй коммунистөн.

Ог сет враглы тайö мусö,
Кодöс восьтис Ленин.
Сетчөм дорысь лов мед кусö,
Мый сэк овныс меным!»

Тадз ме гижы бойö муниг
Чукрасьыштөм листö.
Кула кө ме — сідзи шуны —
Лыддьöй коммунистөн.

1942 во.



Восьті ме книгалысь корка.
Книгаын — важ поговорка:
«Полысьлы — унджык век сюрö,
Полысьöс — кычи пон пурö.
Повтöмöс — пон сöмын увтö,
Повтöмöс — нинöм оз сувтöд.
Повтöмлун мортлы — медлöсьыд мода.
Повтöмлун тышын — бур воевода!
Аддзан кор олöмысь
Медшуда лунсö,
Сы динö смелджыка
Восьлавсьö-мунсьö.
Қосясь эн лыдён,
Петкөдлы кужöм.
Қытöнi кужöм —
Вермысь сэн чужö.
Тöдан, мый правöй
Доръян тэ делö,
Сы вöсна бойын
Сулав тэ смела!»

1942 во.

МУСУҚЛЫ

Шудтөм час кө кучкас,
Шогыд немтор оз төд,
Локтас, пырас лючки
Ныла-зонма костө.

Кыкнанным ми чөлөсь.
Мый нө верман шуны?
Оз өд сөмын сьөлөм —
Ставнас сотчө муным.

Он кө дорйы помөдз
Ассыд чужан мутө,
Кытөн нө сэк, зонмөй,
Радейтнысө кутам?

Эскы меным. Тэ кө
Тышын повтөг усян,
Радейтөмөс некод
Тэнсьыд мөд оз гусяв.

Ылавліс кө сьөлөм,
Радейтліс кө трусөс,
Оз ков менам олөм,
Муслун ачыс кусө.

1942 во.

МОРЕ ВЫЛЫН

Лөз море весьтын бомбовоз.
Дыр дзоргис сы вылө матрос.
Көть сэні враг, но завидь сылы,
Кызд лысьтіс кайны сыысь вылө?

Сирена юөртис: «Аврал!»
Эз коль минута — резьгис залп,
И өйіс свастикаа кырныш,
Мед югыд лоө ваас пырны.

И кутіс усьны, кызди из.
Матросьяс кайтөны: «Сідз, сідз!
Зенитной пушкаяслөн печик
Век кезлө чегис тэнсьыд вечик!»

Та вылын помасис став спор,
Курс серти мөдөдчис линкор,
Матросьяс шуисны: «Вот тэныд!
Акула другыдкөд ов сэні...»

1942 во.

ЁРТЪЯСӨС ДЗЕБИГӨН

Ори тiян олөм сюрөс,
Сьөлөмныд оз пессьы,
Улөдз копыртлі ме юрөс
Тiян морөс весьтын.

Синъяс чышкышти. И водзө
Ловъяяскөд мөді.
Враглысь колө босьтны водзөс —
Тi өд асьныд төдад.

Водзвыв нинөм на ог шуөй,
Туйным миян кузь на.
Гашкө-й тiян кодь жө гуын
Нэм чөж кутам узыны...

Тадз оз позь! Öд вельмөм врагөс
Некод кө оз пасьнит,
Некор менам чужан ягө
Оз и волы праздник.

Узьөй, ай-мамлөн бур пиян,
Узь, том аньлөн верөс.
Ог кө талун, аски виам
Ранитчөм лёк зверөс.

1943 во.

ДРУЖБА ЙЫЛЫСЬ БАЛЛАДА

Сьод войсö синъясөн он бытшкы.
Роч нойысь сійö талун сьод.
А мыйта шуштöмлун сы пытшкын —
И ачыс сьод войыс оз төд.

Но көнкө ылын зэв, сы сайын
Выль кыа чужтö нин выль лун,
Та вöсна дзик переднöй крайын
Салдат мудз синъяссö оз кунь.

Шог колис татчö кольöм луныс.
Сы кодчыс мөд мед оз нин лок.
Дзонь взвод век кежлö ськөд мунис,
А татчö колины кык вок.

Кык вок народъяслөн семьяысь:
Туркмен-джигит да коми зон.
Оз адзысь вын, код юкас найöс,
Öд ачыс дружбаыс — мөд фронт.

Ой, паськыд-паськыд миян муным!
Вай висьтав, кöнджык сылөн пом?
И лыдды бурджыка, эн вунöд,
Тыш вылö сувтис кымын зон.

А тан кык мыльк да гырысь изъяс,
Дзор изъяс костас кык салдат.
Кык мыльк, но сійö жö Отчизна,
А кык салдатыс — сылөн рать.

И вот лёк взрывысь потіс асыв.
Враг дурмис төрытьяыс моз.
— Иван! Атака... тайё дасөд.
— Қотъ кызьөд, но оз прөйдит. Оз!

Враг кыпөдчыліс и бөр водіс,
Джигитлөн личкис пулемёт.
Мед кыкөн кө ми колим взводысь,
Но тан мөй мян өти взвод?

Скөр гыяс Қаспий татчө вайис,
Тшем сувтіс татчө коми яг.
Со, аддзад, өтлаынөсь найө!
Да төдас мөй та йылысь враг?

Со бара взрыв... со мөд... со коймөд...
Кык воклөн өттшөтш пемдіс син.
— Иван, Иван... Тэ ёна доймин?..
И ёртсө сывйыштіс Қарим.

Тадз сывьясьөмөн изьяс костө
Век кежлө водісны кык зон,
Но враг эз прөйдит кык вок костөд,
Со воис мян батальон.

Қотъ тайё кык зонмыс нин кынөсь,
Қотъ налөн оз нин ворс том вир,
Но ыджыд дружбаыслөн выныс
Пыр кутас мирын видзны мир.

1943 во.

АС РӨДНӨЙ КРАЙСЯНЬ

Ас рөднөй крайсянь
Кык сюрс верст сайö
Пармалысь лов шы
Вой төв мем вайö.

Дум вылын кодыр
Ас рөднөй парма,
Враг вылө сьөлөм
Ёнджыка ярмө.

Төда ме мыйла
Муні веж ягысь,—
Рөдина-мамөс
Дорйыны врагысь.

Му миян паськыд,
Оз тыдав помыс.
Лунвывса фронтөдз
Тувччаліс коми.

Быд пилы мамлөн
Морөсыс шоныд.
Быд крайлы миян
Отыжда доныс.

Откодьюсь быдөн:
Первой көть коймөд —
Кутшөм чунь курччан,
Сійö и доймө.

Қоми край менам,
Қызди и муқод,
Рөдина-мамлөн
Сэтшөм жө юкөн.

Шулөмны важ йөз:
«Тшынав көть лыскөн —
Ас рөднөй муыд
Быдөнөс кыскө».

Сідз жө со меным
Қык сюрс верст сайө
Пармалысь вой төв
Лов шысө вайө.

Пель водзын шувгө
Не сөмын вой төв,
Өттшөтш ме кыла
Таръяслысь койтөм.

Қык сюрс верст сайсянь
Аддза и кыла:
Өмидзөн, озйөн
Қисьмө важ тыла.

Томиник зонка
Қотөртө-тюрө.
Төда ме кытчө —
Мырпома нюрө.

Дзордзалө шабді,
Шептассьө рудзөг.
Қомиын сәки
Вунөма мудзөм.

Көч бөжысь дженьыд
Войвывса гождём.
Быдөнлы колө
Лоны зэв чождөн.

Любө зэв рытын
Воны удж вывсянь,—
Виччысьö тэнö
Пөсь коми пывсян.

Вундысьяс гортö
Лэччöны ыбысь.
Сыктыв ю вылө
Петöма кыбысь.

Рыжик да ельдөг
Чужöма расö.
Вотчыны аньяс
Мунöны дасөн.

Ывлавыв тани
Аслысног ворсö —
Йöлöга нерö
Аньяслысь горзём.

Чöскыд жö ваыс
Сөдз, югыд ёлын!
Видлан кө öтчыл,
Юан нин нельысь.

Асывводз вöрын
Лөнъ, абу төла.
Сыланкыв төдса —
Чипсасьö сьöла.

Син водзö сувтö
Аддзывлöм серпас —
Нидз юлөн керöс,
Вöралан керка.

Дзик öти кока
Сулалö лобöс,
Нач сійö нерö
Ягвывса гобöс.

Яла яг йылöм,
Пармалөн котыр!
Юрвывсянь муödз
Тіянлы копыр.

Копыр тшötш тэныд,
Тöv-поз-из гöра!
Туруна давлы,
Йирсьö көн йöра.

Копыр тшötш тэныд,
Паськыд Печора,
Қыгысь ме сейлі
Быдпöлöс чери.

Тіянлы копыр,
Эжва и Луза,
Менам, поэтлөн,
Чужис көн муза.

Тіянлы копыр,
Керöс и слуда!
Тіянкөд бара
Лоа ме шуда.

Пармалы, кытөн
Зверös ме дойдлі,
Кытөн мем пöльö
Вöрсаös мойдліс,

Кытөнi вöвлі
Чös туйлөн кытшыс,
Кытөнi урös
Увтліс мем Катшыс.

Юдорса сьöртлы,
Пурьясьлім көні,
Көмкот пыр кытөн
Йиджтысьліс сөнiк.

Визувтö нефтьөн
Югьд ва Ухта.
Ыджьдös копыр
Сылы тшöтш пукта.

Чолөм тшöтш тэныд,
Из шома крайлы.
Ноко, горнякьяс,
Қинытö вайлöй!

Чолөм тшöтш тэныд,
Шпал лөсысь плөтник.
Зверь-пöтка кыйысь
Коми охотник.

Копыр тэд пукта,
Вөр лэдзысь-мастер,
Фронтлы пöдарок
Ас уджөн дасьты.

Чолөм тэд, Лөкчим,
Көні ме чужлі,
Первойысь кытөн
Ва вомөн вуджлі.

Сылы, ми кодкөд
Ворслывлім көчөн,
Лөкчим ю вомөн
Шыблавлім сөчөн.

Пелысьлы, льөмлы,
Садйөрса суслы,
Том. нывкөд кытөн
Гөрддзасис муслун.

Ас рөднөй керка,
Копыр тэд пункта,
Йөз пөвстө кытөн
Мам дінысь чукті.

Яла яг йылөм,
Пармалөн котыр,
Фронт вывсянь ыста
Тіянлы копыр.

Дум вылын кодыр
Ас рөднөй парма,
Враг вылө сьөлөм
Ёнджыка ярмө.

Пөльыштис лун төв,
Пармаөдз ветліс.
Примитөй чолөм
Коми поэтлысь!

1943 во.

ВАЖКОДЬ НА МИЧА

Век на тэ важкодъыд мича.
Смидзён ёзьялө бан.
Қодлы тэ мичлунтө видзан?
Гусьёник висьтав мем, ань.

Гөлөстө тэнсьыд кор кыла,
Кыла ме эзысьлысь звөн.
Сыён тэ шогсян и сылан,
А кывзысьыс коді да көн?

Воас-ө ловйён бөр гортө?
Воас жө, воас жө мед!
Позьё мөй воштыны мортөс,
Сьёлөмсө колис кө тэд?

Чайтсьө пыр меным, мый сылөн
Орден нин морөсас эм.
Видз асьтө өтнаслы, нылөй,
Шудаөсь лоанныд нэм.

1943 во.

ЛЫМ ЕДЖЫД ХАТА

Врагос ми вотлим,
Пышйис нин татысь.
Коді нө восьтіс
Би автоматысь?

Миртуйсянь бокин
Лым еджыд хата.
Дзик, шуам, сәні
Враглөн засада.

Бырөдны сійос
Мог вөлі меным.
Фронт вылын — делө.
Сёрни сән — дженьыд.

Цель дінө вои.
Қиын — граната.
Шыбитны көсья...
Жаль меным хата.

Фронт вывсянь мөдысь
Воасны пиян.
Мам шуас налы:
«Сотісны миян».

Ме моз жө көнкө
Қык сюрс верст сайын
Фронт вылын ветлө
Татчөс көзяин.

Мөвпгясөс менсьым
Орөдіс кодкө.
Му пиысь, пыдысь
Қылі ме броткөм:

— Смерть колө смертысь
Гадьяслы, налы.
Видзөда: пөчө
Петө пөдвалысь.

— Быдса во чөж нин
Ас рөднөй домө
Весиг эг тувчыв
Өти кок помөн.

Хатаөс менсьым
Эн жалит, пиө.
Мездлунысь, шудысь
Донтөмджык сійө.

Весав нин, весав
Поньяслысь мыльөс.
Воасны пиян,
Вөчасны выльөс.

Чепөсйис синва...
Горш вылын — гөрөд.
Враг вылө скөрлун
Морөсөс гөрө.

Лөглунлөн чаша
Чукйөныс тыри.
Ог помнит, кыдзи
Хатаө пыри.

Ќтиӧс — штыкӧн,
Мӧдӧс — прикладӧн.
Эг тӧд пӧщада —
Выймити гадӧс.

Быд бурсӧ пӧчӧ
Сиис да вордӧс.
Нимкодъ зӧв вӧли
Мунны сы ордысь.

Бырӧди враглысь
Бӧръя засада.
Сулалан коли
Лым еджыд хата.

1943 во.

* * *

Мамö, кыла öд ме шогтö,
Пиыд вöсна сьöлөм нор.
Эн бöрд. Көркө дзик ме локта,
Сöмын талун эн на кор.

Эн тэ дзоргы öшинь пырыд,
Питö синъяснад эн корсь.
Тöда, ёна гажыд быри,
Но öд локны мем оз позь.

Олышт ещö, олышт öтнад,
Тэ кодьыс öд уна эм.
Кылан, мам? Көр врагöс вöтлам,
Кыкпöv муса лоа тэн.

Ме öд ачим локны көсья,
Но победатög ог лок.
Көсья, медем пиян вöсна
Мамъяс эз нин тöдны шог.

1943 во.

ТЬӖЗӖЯС

Кыз нӖ вӖвлӧмтор он гарав,
Кодтор кувтӧдзыд оз вун,
Ворсліс гудӧк варов-варов,
Гажа прӧйдитіс томлун...

Йӧктӧ менам дона тьӖзӖ,
Пашкыр юра Ӗльӧксан.
Ворсны ышӧдӧ том йӖзӖс,
Гӧрдӧдӧма чужӧмбан.

ЙӖзлы видзӧдны зӖв любӖ:
«Но и йӧктысь! Но-и зон!»
А ме сідз жӧ вола клубӖ,
И оз артмы «клюн ни клӧн».

Меным вежӧк, мем ӧбиднӧ.
Йӧктан делӧын — ме мыр.
ТьӖзӖ ме дінысь пыр кидмӧ —
Лӧгӧдз воны абу дыр!

Яндіс эськӧ менам юрӧй,
Ме кӧ нинӧм дзик эг куж.
Но и менсьым син он курӧд,
Меным сетчӧ любӧй удж...

Враглы паныд первой мортӧн
Мунны сиктысь усис пуд.
ТьӖзӖ ме сьӧр коли гортӧ:
«Эк тэ, мися, шалапут!»

Сылы сідз жö эз вöв лöсьыд,
Қыдзи йöктанінын мем.
Аддза, чепöсийöма пöсьыс,
Аддза, вежök сылөн эм...

Луныс тайö коли ылö,
Уна визувтіс нин ва.
Со нин менам морöс вылын
Орден Красная Звезда.

Гöра гöракöд оз öтлась.
Морт жö морткöд — любöй час!
Со и тьöзкöд, врагöс вöтліг,
Паныдасим ми как раз!

Со и тьöзö мекöд радын!
Бырис сы йылысь печаль.
Со и сылөн эм награда,
Со и сылөн эм медаль.

1943 во.

«ПЫВСЯН»

Нуис менö мөвпöй
Аслам чужан крайö,
Дзолядырйи, пывсиг,
Сэн мем сьывліс айö:

«Кокö, кокö, котрав,
Котрав да эн ылав.
Кокö, кокö, котрав,
Кöні озъя тыла.

Кокö, кокö, котрав,
Кöчамач моз тюрöд.
Кокö, кокö, котрав
Виж мырпома нюрö.

Кокö, кокö, котрав,
Эн төд мудзöм, лябöм.
Кокö, кокö, котрав
Чöдъя, пувъя ягö.

Кокö, кокö, котрав
Бур вөраланінö.
Кокö, кокö, котрав
Звера-пöткаинö».

Мыйла буретш тайöс
Гарышти фронт вывсянь?
Сійөн, мый ми враглы
Сетім öдъя «пывсян».

Но и вöлі «пывсян»!
Адын кодь дзик öдыс.
Коді «пывсис» öтчыд,
Чайта, оз лок мöдысь.

Чайта, миян вөрöг
Эз на «пывсьыв» тадзи.
Пывсьöдчысьлысь кывъяс
Лөвтис сійö ачыс:

«Кокö, кокö, котöрт,
Котöрт да эн ылав.
Кокö, кокö, котöрт,
Көн снаряд оз гылав.

Кокö, кокö, котöрт,
Менсьым видз йöй юрös.
Öдйö, öдйö котöрт,
Пленö мед ог сюрöй.

Кокö, кокö, котöрт,
Эн тöд лябöм, мудзöм.
Котöрт сэтчöдз, кытысь
Русскöй штык оз судзöд».

Котöрт кöть эн, вөрöг,
Оз нин отсав кокыд.
Розялас и юрыд,
Розялас и бокыд.

1943 во.

ЛАЗАРЕТЫН

Ой, ньөжйö жö нин муно кад!
Мем гажтöм лазаретын.
А кутшöм эськö вöли рад —
Ме верми кö тась петны.

Зэв кузьöсь войяс. Уна мөвп
Юр мывкыдö мем волö.
Кöть кыз ме ачымöс ог вöйп,
Оз инась тані лолöй.

Дыр виччыси, и локтис врач,
Мем шуис: — Мый он узышт?
А менам артмис:— Овны тадз
Ог вермы, дзикöдз муззи!

Мöд тöлысь чöж тан ме ог ов,
Öд сöвесть колö тöдны!
Тэ ачыл аддзан: ме здоров,
Кад меным татысь мöдны.

Письмö со воис... Лыдды тась,
Со мөдар боксыс, эстысь.
Ёрт гижö, мый пö миян часть
Дас лун нин юö Днестрысь.

— Да мый сэн Днестр! Кор ёнмас кок,
Тэ волан на Дунайöдз.

Смотри! Дунайöдз кö он лок,
Оз прöститны мем тайöс.

А врачöс прöститны эз ков —
Кок вылö ме ог норась.
Походö мунны пыр гöтов,
Отчизна-мам кö корас.

1944 во.

ӨСТАП

Пөрысь, зэв нин пөрысь,
Пөрысь дед Өстап.
Пөрысь коть, а вынөн
Абу на дзик слаб.

Пельпом сайын арлыд
Өкмысдас да вит.
Но ни өти висьöm
Дедöс оз жмит.

Пукалö да шензьö
Олöm вылö дед:
«Неужели смертьлы
Киас ме ог шед?»

Öд ме ог нин помнит,
Юрöй корсянь дзор.
И со век на ловья,
Оз лый менö мор.

Унаысь ас пельөн
Лои кивны мем:
«Он-ö пö тэ кöсйы
Мöдöс овны нэм?»

Сэк, кор дедлы кучкис
Өкмысдас да вит,
Керка пытшкö пуртөн
Уськөдчис фашист.

Уськөдчис да шуо:
— Мый эм, ставсö сет.
Он кө кösйы сетны,—
Весась татысь, пет!

— Ставыс öнi миян:
Му и ва, и вөр.
Ми кө огö лэдзöй,
Он лысьт чегны ньөр.

Лунысь лун пыр пыдö
Кöин суйис гыж.
Сёйис дедлысь мöссö,
Сёйис дедлысь ыж.

Мый жö сёйны дедлы?
Эз ло сылөн скöt.
Вотöсөн да тшакөн
Перйис кынöмпöt.

Медым нöйтны мортös,
Дед эз лэптыв ки.
Öнi быттьö кодкö
Тшöктö: «Гадös ви!»

Öтчыд вина сайын
Немец — гөрд, кыз рак —
Закуситiс дедлысь
Свежöй сökья тшак.

— А-а, аски гөстьяс?
Вöчны колö сiдз:
Гötöвитны налы
Вöвльтöм сюрприз!

Аски татшөм тшақысь
Вөч меным өбед!
— Старайтчыны радось!—
Копыртчыліс дед.

Уна төв нин төвйис.
Дед эз вөв дурак.
Вайис быдса пестер
Гутөс виан тшак...

И со пызан сайын
Сизим лёк шакал
Винаөн да сурөн
Справляйтөны бал.

— Ноко, русскөй гобсө
Видлөй, господа.
— Чөскыд!— шуө өти
И мөд шуө:— Да!

Дедө думнас кайтө:
«Кодлы гоб, мед гоб,
Тиянлы жө, понъяс,—
Настоящөй гроб!»

Шөйтис-ветліс дедө,
Эз узь сійө вой.
Югдіс. Аддзө, джоджын
Куйлө сизим шой.

Видзөдліс да дедө
Чөвтис пернапас:
«Со и воө меным
Грөзнөй, кулан час».

Лыйлытөдз Ыстапкөд
Прөщайтчис став сикт.
«Гашкө, ог на кулөй?» —
Думайтис старик.

Со и бөръя здукьяс...
Регыд резьгас залп.
Мышсянь кодкө горзіс:
«Вод пө, вод, Ыстап!»

Водіс да и шензьө:
«Мый нө лоис тан?»
Мездөмаөсь дедөс
Қомын партизан.

Асья войнас дзебсис
Посводз кумас дед:
«Гашкө,— шуө,— татысь
Оз на аддзы смерть?»

* * *

Дедлөн куд кодь керка
Йөзөн лои тыр.
Сылысь олөм-вылөм
Қазьтылісны дыр.

— Прөстит, лөк кө вөчлі,—
Шуө Ыпрөсь тьөт.—
Ме өд тэнад бурлысь
Мындасө ог төд.

Дедлы тайө сёрни
Вөт кодь вөлі дзик.

Посводз кумын гусьон
Нюмъяліс старик.

— Регыд воас, гадьяс,
Понлы понлөн пом!
Мынтысянныд юрөн,—
Шуө дзор Пахом.

— Томдырйиис, шонъян,
Збодер вөвлі, тшап.
«Сөран, пөрысь висьём»,—
Думайтө Остап.

— Сизим пиөс быдтін,
Кызь көкъямыс внук.
Дзебигкежлад буретш
Некод эз ло тшук.

— Удж кө вөлі босьтас,
Оз вөч «тяп да ляп».
Эз шулыны прөстө:
«Вөч пө, кыздз Остап».

— Дас квайт арөс тыртіг
Мортыд, дерт на, нэр.
Тэ нин сэки срубйө
Лэптан вөлі кер...

Воссис керка өдзөс,
Мыччысис Ёстап:
— Лябны ме эг кужлы,
Өні ог жө ляб!

Вайö менсьым черös,
Мөдтор ме ог кор.
Қолö вины зверös,
Қытчөдз абу сёр.

1944 во.

АНЬ ОРДЫН

Тэ ордө пыри
Шойчигмоз, прөстө.
Эг өд ме көсйи
Лоны тэд гөстьөн.

Пырөмөн тшөтш жө
Бөрзбөдін сьөлөм.
Ва кори тэнсьыд —
Юкталін йөлөн.

Юалін:— Гортыд
Ылын-ө, матын?
Эн-ө тэ тани
Быдмыв Карпатын?

— Войвылысь парма
Колөкө төдлін?
Сэсянь ме вои,
Врагьясөс вөтліг.

— Ылісянь, пиө,
Ылісянь локтін.
Пөрччысьлы ноко,
Шойччөдышт коктө.

Часлы, ме, пиө,
Лөсьода пызан.
Өні өд, небось,
Он вердчы кыза.

Госторсö сёйышт,
Сёйышт, мый вичмис.
Юали:— Гашкө,
Пиыдлы видзтін?

— Сыысь эн тöждысь,
Сёйышт вай тайöс.
Воас кө, лоас
Йöлыс и яйыс.

Пасьтасьны куті:
— Мунны мем кад нин!
Қыв көсйин шуны —
Мыйлакө падмин.

Тэ ордысь муні
Қыпыд и долыд,
Быттьökö збыльысь
Мам ордö волі.

1944 во.

ВИТ МАЙ

Мем ас муын бара,
Пармаын, расын
Нюммуніс талун
Майлөн сөдз асыв.

Мыш сайё, бөрө
Ыджыд туй коли.
Фронт вылын Майкөд
Адззысьлім нельысь.

Бия во вөлі —
Нелямын кыкөд.
Сьökыдсö уна
Юким ми сьökөд.

Вөрөгөс пыкис
Нелямын коймөд.
Жаль вөлі, мыйла
Тышын ме дойми.

Бурдөдчанинам
Май менö суис.
Бурдөдіс дойöс,
Висьömöс нуис.

Нелямын нельөд
Петіс туй шөрө,

Ўвтыштіс, кучкис —
Тупыльтчис вөрөг.

Серөктіс Майным
Миян юр весьтын.
«Купайтчис» вөрөг,
Булькөдчис Днестрын.

Нелямын витөд
Нырыштіс врагөс.
Сэссия ми Майкөд
Локтім веж ягө.

Сы бөрын пыр на
Пармаын, расын
Нюмъялө меным
Майлөн быд асыв.

1945 во.



Менам
парма



АТТЬӨ ТЭД, ПАРТИЯ

Аттьө тэд, партия, сьөлөмсянь аттьө,
Нэмьяс чөж славитас тэнө народ.
Тышьясын тэкөд пыр венлісны батьяс,
Миянлысь удж вылын ёнмөдін борд.

Партия — туй индысь кодзув.
Партия — миян юр вем.
Партия нуөдө водзө.
Партия — шуда, выль нэм.

Дружбаөн ставсө народъясөс йитін,
Өтүвтін миянлысь ыджыд семья.
Войвылөдз комилы нюжөдін китө,
Ловзьөдін жугыльмөм, садьмывтөм край.

Пармаын стройкалысь бияссө өзтін.
Тундраным пыркнитіс нэмчөжся ун.
Тадз жө тэ быдлаын уджалысь йөзлы
Матыстан, югдөдан аския лун.

Партия — туй индысь кодзув.
Партия — миян юр вем.
Партия нуөдө водзө.
Партия — шуда, выль нэм.

ОКТАБРҚОД ТШӨТШЪЯЛЫ

Тэ эн на вөв. И дыр на му вылө эн чуж,
А партияным шуд нин дорис тэныд.
И сэк жө тэкөд тшөтшъяяслы удж
Ті быдмигкежлө дасьтіс миян Ленин.

И кодыр синъяс водзад воссис вөльнөй свет,
Қор шогъяс төдтөг на тэ бөрддзин нора-нора,
Вьль эра заводитчөм йылысь мирлы сэк
Победнөй гымөн юөртіс «Аврора».

Тэ быдмин. Стройка вылө вайин том задор,
А Ленин тэныд сиис буретш тайөс!
И вот тэ лэптан зданье, кодкөд тшөтш и морт,
Қызд памятник бессмертиелөн, кайө.

Быд кольөм во, кызд великан, кызд багатыр,
Қызд кувлытөмтор, сулалө мыш саяд.
На пиысь быдөн дзик, ён китө кутігтыр,
Вьль пятилетка поскөд тэкөд кайис.

Удж вылө өтияскөд сувтлің асывводз,
А мөдъяскөд винтовкаөн тэ водлің.
И пыр тэ тайө вына багатыръяс моз
Ас сьөрад новлөдлан яр югыд подвиг.

Мөд татшөм югыд олөм зарниысь он кисьт.
Оз вушйы сійө летописьлөн томысь.
И тэнад подвиг йылысь мича-мича висьт
Потомок коркө лыддяс уна во мысьт.

ПАРТИЯКӨД

Көть дженьыдөс на олім нэм,
Но висьталантор уна эм:
Ми ыджыд тышлысь туй — сідз шуны —
Эг карандашөн — кокөн мунім,
Война мед олөмсө эз сөй,
Эг узылөй сюрс да нельсө вой.

Кор дугдіс сыркъявны му шар,
Сьод пөим пиысь лэптім кар,
Мед коркө коммунизмлөн асыв
Став рөмнас ворсас өшиньясын,
Мед тышын дорйөм югыд лун
Ми ордысь некор нин оз мун.

Ас киөн море вөчис морт,
Степь шөрө пыртис морскөй порт,
Кос төвьяс кыысь властьсө босьтис
И будущөйө шлюзьяс восьтис.
Ми кымын уджлысь видлім көр —
Труд книжкааным оз нин төр.

Со корө выль вит вося план
Ю шөрө вөчны котлован...
Да ставсө татшөм ичөт листын,
Көть мый тэ кер, а он на висьтав!
Со бара гиж көть выль листбок —
Колхознөй сиктө воис ток.

Көть дженьыдös на олим нэм,
А висьталантор эм нин, эм!
Быд туй кост партиякөд вуджим,
Пыр сыкөд вöлим тышын, уджын,
Быд вöчөмторйысь адзам ми
Великөй партиялысь ки.

АРАБЪЯСКӨД СЕРНИ

Арабъяскөд төдмөдiс менө Москва:
Мем өтпырйө кияссө мыччисны кыкөн.
Асфальтвывсө мыскалiс сөдз, югыд ва.
— Вот тайөс кө эськө мяян арыкө!—

Тадз горөдiс, кылө, и ланьтiс араб...
Не нуны жө гортөдзыс васө Москваысь!
— Тi прөститөй,— шуө,— ме абу нин раб.
Ме пай вылө өнi тшөтш воө нин ваыс.

Ме нюммунi налы, кызд вокъяслы вок:
— Вай кутам пыр дружитны, тувчавны
орччөн.
Бур дружбатөг быдлаын климатыс лёк,
Став петасыс му вылысь дзордзавтөг сотчө.

Сэк пөрысь араб — ачыс хлопокысь дзор —
Здук олыштiс чөв. Сылөн синдорыс вазис:
— Народъяслөн друг, мирын медся бур морт,
Арабъяслы индiс и ва, и оазис.

Араб ыджыд другсө көть нимнас эз шу,
Но позис мөй сы йылысь не төдны меным?
Мед вөльнөйөн вөчны арабъяслысь му,
Ён тыш вылө өнi на чуксало' Ленин.

ҚАШИНОҢЫН БИЯС

1920 вося ноябрь 14 лурё В. И. Ленин
волис Кашино сиктса крестьяна ордё,
кор найё восьтісны ичётик электро-
станция.

Қашиноын празник кодь жё дзик,
Дона гөстьёс виччысьёны сәні,
Асывсяньныс юргё шуда сикт:
— Ленин локтё миян ордё! Ленин!

Воис Ленин. Ставлысь кутліс ки.
Сійё өмөй тёдса татчёс йөзкөд?
— Зэв бур делё,— шуё,— вөчид ті,
Ноко, «чудо-бинытё» вай өзтөй.

Пызан вылын рысь и выйтор эм,
Быдён мыйкё вичмөдіс да вайис.
— Асьныд тшыгось... Мыйла ставсё мем?
Вот ог ошкы тіянёс ме таысь.

Ленин сувтіс:— Овмөдчам выльног,
Гөльлунсё ми асьсё регыд жмитам.
Аддзад, электричествоволён ток
Төрыгъясё аскиякөд йитіс.

СИЮ ТӨДӨ

Да! Челядь кадöй менам ылын-ылын!
Но вості том, и бара вöлі сэн:
Со бать пу кокөн зымъялө нин кылө,
Нянь пьдди мам кьд ёкмыль мыччө мен.

Со миян ордö пырис сюзь кодь дедö,
Кöрт бедьнас зымгис — быттьö уси из.
И бательы горзö: «Коді тан комбедыс?
А-а! Задпöвтö воштін? Мыйла сідз?

Тэ чöвтін царöс — сысысь енмыс ёрис.
Тэд водзöвылө ещö лоö лөк!
Тэ аслад сюра енлысь сёйныд корышт,
А менам кумö няньыдла эн лок!»

Дыр сы бöрын ме корси енлысь сюрсö:
«Тэ, — шуа, — он кө верд, он бурөн мын!»
А мыйла эськө сылысь корны бурсö,
Кор царös чöвтны бательөн тырмис вын?

Кысь тöдны сэк, мый партияным миян
Народкөд öтув жугліс царлысь трон,
Мый властьюс вуджис сэк народъяс киö
Дзик сы вöсна, мед эг ло ме гöль зон.

А партияным, вөлөмкө, и сэк нин
Став озыръяслысь аддзö бөръя лун,
Мый сюзь кодь дедлөн туйыс зэв нин векни,
Мый коркө-й миян няня лоö кум.

Бать кувсис водз, кӧть пӧйгис пыр ме йылысь,
Мед пиыс сылӧн эз ов корысь моз,
А партия нин сэки шулӧм сылы,
Мый менӧ мездас гӧльлунысь колхоз.

И партийнӧй быд книга лыддигтырйи
Пыр чужӧ аслам пиӧй йылысь дум,
И кыла, кызди локтӧ нин ме дырйи
Планета вылӧ коммунизмлӧн лун.

ДРУЖБА

Зэв сьокыд вөлі кыпөдны тэд китө,
Но ме ради тэ нөйтін ассыд питө.
Ме тайө здукас гөгөрвои, дерт,
Мый писө радейтө и вөрса зверь,
Но ассыс другөс, сьөлөмбердса ёртөс,
Оз некод сэсся радейт миян морт моз.

Ме өтчыд йөрми. Но эг кор сөветтө.
Тэ сэки менө видін синва петтөдз,
И сатшкысьліс быд тэон шуөм кыв,
Кызд ёсь укол, кызд стальной эмлөн йыв.
А бөрас сэсся казялі, мый тайөс, вөлөм,
Зэв дыр нин виччысьөма менам сьөлөм.

Ме вөчи сэтшөмтор — тэд эз во сьөлөм вылад,
Тэ шуин веськыда — эн менө ылөд.
Дыр думайті, ме дыр эг вочавидз
И скөралі, тэ мыйла лысьтін сідз?
Но сыысь, мый тэ чирыштны эн нюжмась,
Ме бөрас кылі ёрта-ёртлысь дружба.

МЕНАМ ПАРМА

Көть менам ывла овлө скөр,
Көть сьökыда тан чужö тулыс,
Дыр узьö Эжва кыз йи улын,—
Ме ставсö прöстита ас мулы
И ог веж мөдөн. Тöда, бөр
Ас дiнас кыскас менö вөр.

Ой, сьökыд дойдны ассыд вуж,
Код пыдö пырис нин ас муö!
Ме водзвыв öлöда — эн шуöй,
Мый шудла ылөдз сьölөм нуö.
Дзик некөн ачыс шуд оз чуж,
Мем сийöс вөрын сетис удж.

Оз видзөд важ вылө ас му,
Көть танi кургöны на таръяс.
Пыр лэптö, лэптö менам парма
Дзик ас кодчыс жö джуджыд каръяс.
И важмоз сылы он нин шу:
«Век кежлö енмөн ёрöм му».

Мем кольдiс пай и батылөн нэм,
Ме новлi сылысь лаз и дукöс,
Но вөръяс пиö вошöм мукöд
Ми корсим: сылы — чой, мем — другöс.
Мый вöлi колö, сюрис мем —
Страна сöветскöй менам эм!

ЁЛЬДОРСА ДУМЪЯС

Кытчö тэрмасын, эзысь ёлянöй,
Менö отнамöс татчö колян мöй?

Тöда, кытчö тэ быд здук тэрмасын —
Помтöм морын төвкöд вермасыны!

Оти войттöг тай ставсö нуан тэ,
Да и менö тшöтш он коль юантöг.

Тэ кöть раминик, тэ кöть ичöтик,
Босьтö завидьтöм, тэö видзöдиг.

Тэ моз кöсйыссьö некор ланьтлытöг
Вöчны олөмсö ещö шаньджыкөн.

Ас Отчизналы сетны вынйөрöс
Бөръя войгьясöдз, а не джынвийö.

Сöмын завидьта, вөлөм, прöста дзик:
Ме кор пöрöдча аслам пöстатын,

Тшöтш и пöрлөдла джуджыд мачтаяс,
Кодъяс ветлөны море пасьтала

Ас Отчизналөн чим гөрд флагьясөн...
Со мый лэдза ме коми ягьясысь!

СМЕЛЪЯС, ЁНЪЯС

Тайӧ кудриа зонмыс
Мыйла быдӧнлы муса?
Сійӧ удж вылын ёнмис,
Тышын дорйис ас мусӧ.

Сійӧ ассьыс анкета
Гижис аслас пӧсь вирӧн,
Медым йӧзыс став светас
Водзӧ олісны мирӧн.

Паськыд пельпомъяс вылысь
Сійӧ пӧрчис погонъяс,
А винтовкасӧ сылысь
Бара босьтісны зонъяс.

Зонмыс тӧдӧ: веж расӧ
Вӧрӧг некор оз волы,
И не пежавны васӧ
Сылы сӧдз югыд ёлысь.

Оз, оз пемдыв нин енэж
Миян Рӧдина весьтысь:
Повтӧм соколъяс сәні
Сійӧс видзӧны честьӧн.

Эмось уна том зонъяс,
смелъяс, удалъяс, ёнъяс.
Ас му дорйыны ковмас —
Сувталасны милльонъяс.

МАМ СЬӨЛӨМ

Нывбаба төдіс том капитанос.
Том капитанлөн нюмъялө баныс:
— Чолөм, мамаша! Дыр эн вөв татөн!
— Волевла частө военкоматад...
Мый лои мамкөд? Чышъян пом корсьө.
Мыйла нө чышкыштіс чусмөм синдорсө?
— Бара нин, гашкө, мөдөдан питө?
— Некодос сэсся — мөдөдлі витос...
Мам ним эг кывлы нин төлысь дас куим.
Сьөлөмөй вөрзис, мамөн кор шуин.
Йөз костын прөста сідзи оз шусьы:
Мам нимтө, кулан да, кылан пө гусянь.
Эн дөзмы, пиөй, сёрнитчис уна...
— Гашкө нө, кодкө рөдвужсьыд мунө?
— Вокөйлөн пиыс... Артиллеристө.
Сыкөд көть кепысь Гришуклы ыстан...
Да кытчө пө мунас — роч муыд паськыд,
Абу өд өти войскөвөй частьыд?
Бур эськө вит вок кө вөліны танось...
Окота аддзывны-й ассьым Иванос.
Кыз сійө менам радейтіс пывсян!
Со вот и өні на, монькөд кор пывсям,
Ог тшөкты лишнөйысь койыштны ньөтчыд,
Мед эськө-й тшөтш и пиөйлы төдчис.
— Весьшөрө төждысян, тётя Анисья,
Пиыд пө сюся видзө граница!
Срокысь водз отпуск сетасны сылы.

Аддзысян лунөдз абу нин ылын!
Нывбаба чеччис:— Ылалі дзикөдз!
Сёрниті тэкөд, кыдзи бур пикөд.
Қолөкө, пиөй со пырас туй вывсянь,
А менам на өнөдз ломтытөм пывсян.

ЫДЖЫД ДРУЖБАЛӨН СВЕТ

Куим му сійӧ мыськис ас ванас,
Куим пай вылӧ торйӧдліс сёрд.
Сэк эз тӧд на, мый дружба тан панас
Орчӧн овмӧдчӧм куим народ.

Тайӧ ты — нимыс сылӧн Дрисвяты.
Юліс сэсь белорус и латыш.
Сӧмын ӧта-мӧд берегӧ тати
Гӧстьяс тырӧн эз вуджавлы пыж.

И литовецӧс, шуда туй корсиг,
Потшліс куим границалӧн стык,
Кор на ты весьтын куимладорсянь
Стрӧга чурвидзис куим ёсь штык...

Тырмас унаысь казътывны тайӧс!
Весиг берегын нюмъялӧ из
Сійӧ кадсянь, кор югыз ты сайын
Йӧзкӧд киасис социализм.

Ыджыд-сьӧлӧмысь сетіс яр бисӧ,
Мыччис ки русскӧй вок, русскӧй друг.
Адзис ты тайӧ вынйӧра кисӧ,
Шуис: «Тянӧс некор ог юк!»

Юксьӧм йылысь ог сёрнитӧй ӧні!
Кызд кӧть недругным кывсӧ оз пес,
Оз нин ор миян дружбалӧн сӧныс,
Қодӧс йитіс Дрисвятыса ГЭС.

Важ границаяс воштіс Дрисвяты,
Пограничник оз ветлы нин сэт.
Куим туй вожёд котөртө татысь
Ыджыд дружбалөн куслытөм свет.

ӨТИ САДЫН

Өти садйын ме кодйи окоп —
Фронтлөн линия прөйдитис таті...
Весиг мыш сайысь эг шыбит ноп.
Да и сы вылө эз нин вөв кадыс.

Көть эг первойысь вөч тайö удж,
Кыдзкө, төдлытөг инмис зыр йылөн,—
Ори вишнялөн нэриник вуж,
И ме сьөлөмысь дой сэки кылі.

Украинка-көзяйкалы мыж
Ассьым висьталі яндысиг-поліг.
— Зырйыд, төда өд ме, абу ныж!—
Шуис сійö. И мем лои долыд.

Аньлөн мелі да пөсь вөлі нюм,
Сійö өтнасөн дзик менö дорйис.
Весиг пышйыліс бойлөн скөр шум,
Мирнөй кадын моз ворсісны коръяс.

Мөдысь нюммуни:— Ой, дона вок!
Тэ веж пармасынь писькөдчин татчөдз,
Аслад роч воккөд тэ кө эн лок,
Тайö садсыс ме дзоридз эг аддзыв.

Кыз тэд висьтавны аттьö — ог куж...
Вишня вуж вөсна висьны ог кутöй!

Бур, мый дорйин тэ дружбалысь вуж,
Мырддин враг ордысь гусявлөм шудөс...

Аньлы шуи:— Эн лөгась. Оз позы!
Вай мем вишнялысь медмича дзоридз...
Көть ми важөн нин помавлім кось,—
Тайö дзоридзыс век сёлөм дорын.

Со тай кыпөдчө кымын выль сад
Тышөн прөйдитөм мяян му вылын!
Найөс аддзигөн вөвлөм салдат
Важсьыс пөсьджыкөс дружбасө кылө.

МОСКВА

Москва! Ме тэнсьыд нимтö кодыр кыла,
Став сьөлөм тырөн завидяла тэд.
Мем чолөм кывсö шулө сөмын нылöй,
А тэныд ставсянь медся пöсь привет.

Оз некор вун, кор тшынасьөм окопын
Салдат салдатлысь юис вомтыр ва
Да кулігас нин шуис меным:— Вокö,
Эн бöрыньтчöй — öд мыш сайын Москва!

Мый вöчны мем? Ме тэнö эг на аддзыв.
И, сідзкö, меным кувны зэв на водз?
Тэ дінö кыскис сьөлөм, кылі ачым,
Но сылысь вöлі кывзыны оз позь.

Эг сьөлөмног, а вöчи ме ас ногөн.
Москва! Ме бöрлань воськовджын эг кос.
И öні, кор тэ ордö локта могөн,
Дум вылө первой усьö сэкся кось.

ЭЖВА

Тэ, муса Эжва, мортлөн важся друг,
Тэ уна нэм нин мудзлытөг пыр кывтан!
Вай висьтав, зарни вöрысь кымын пур
Тэ кылөдін ас эзысь мышку вывтi?

Веж видзьяс сетіс мортлы тэнад сьöрт,
Тан кыйліс чери менам дед и батьö.
Да мый и шуны?—Ковтысад оз төр —
Став вöчөм бурсыд висьтавны кө аттьö.

Ме төда: вöчин эськө ыджыдтор...
Ог мыжав тэнö — кадыс вöлі сэтшөм.
Сэк таысь унджык тэнсьыд морт эз кор,
Но талун шуö: «Мем пö тайö этша».

Со локтіс сійö мортыс — большевик,
Ас ногыс тэнсьыд мурталіс вын-эбös.
И төдмалім ми первойысь на дзик,
Мый тэ чудесной вынтö пыр на дзебин...

Мед, гашкө, тайö миян бур мечта,
Но збыльмас. Воас сэтшөм пятилетка,
Кор мортлөн вын да вежөр тэнсьыд ва
Сьöртывывса пуяс йылөдз лэптас!

Сэк он кут öткөн дженьдöдны лун-вой
И кывны сöмын ассьыд туөм-ямөм.

Тэд сетас ки Печора — ыджыд чой,
И окыштас сэк шөркост чойыд — Кама.

Эг кывлы ме му вылысь мөд страна,
Поэзияөн көні уджыс ачыс.
Мый сыысь мича эм, кор тэнад ва
Плөтина вывсянь уськөдчас Кивачөн?

Веж быгйөн резсысь, муткыртысь поток
Турбиналысь сэк öйөдас став ярлун,
И, проводьясті котөртөмөн, ток
Лун кодьөн вөчас войся парма.

* * *

Прөста, весьшөрө зільлі ме коркө
Кывйөн паськөдны радлунлысь от,
Гөлөс тшөкмуніс менам ас поркйын,
Тыртөм кывлы эз эскы народ.

Олөм өткодьөн лыддылі садкөд,
Дзоридз пырся ме эг аддзыв му,
Ачым төждысиг пөрысьми кадтөг,
И эг этша ме сьөкыдсө ну.

Өшли олөмлы морөсас сикөтш,
Көсий восьтыны вөвлытөм мич,
Вутшъяс йылысь ме вунөдлі дзыкөдз,
Меным шыльыдөн вөлі быд видз.

Лөк кө аддзывлі, бергөдлі мышкөс...
Тырмас! Водзө ме таdzi ог кут.
Тыртөм мичлункөд ог кө ме тышкась,
Некор меным не аддзывны шуд.

* * *

Тэ өд помнитан на ачыл
Мамыд кымын бур кыв шуліс.
Кытчөдз ашшөр борд эз качөд,
Олін мамлөн бордъяс улын.

Висьтав, мыйла сэтшөм өдйө
Ставсө вунөдін тэ тайөс?
Ог төд мунөмыд код рөдйө...
Янөдін тшөтш кувсьөм айөс.

Мамкөд прөщайтчытөг лэбзин,
Шуин: «Метөг пө мед кулас»...
Мамсыд пышйин, но он дзедьсы
Йөзлөн вөйпан синъяс улысь.

Мамыд тэ вөсна жө шогсьө,
Өтчыл сы ордө көть пырав.
Сійө вунөдас став лёксө,
Кодыр сы ордө тэ пыран.

НИМЛУН ЙЫЛЫСЬ

Мам вöлі босьтас кузь сунис да ем,
Мичаник дөрöмтор вурьштас мем.
Лун чöжөн унаысь нюммунилас сійö:
— Нимлун öд тэнад матысмö, пиö!
Мамлы ме доля:— Мыйла нö нельысь
Нимлунöй менам быд во оз волы?
Ышöдліс, гашкö, виль дөрöм, виль гач,
Сы вöсна-й, гашкö, ме юасьлі тадз?
Сні кö, небось, менö он ылöд —
Видзöда мöдног нимлуныд вылö!
Нимлунтö кымын унджыкысь пасьян,
Нэм помтö сымын матыстан ассьыд.
Вермас öд лоны и таысь на лёк:
Волывлас быд во, а сэсся оз лок.
Сы пыдди ковмас встретитны мöдöс,
Тайöс нин сьölöм öнісянь тöдö!
Локтас да менö кутас тась нуны.
— Энлы на!— мыйвынысь кута ме шуны,—
Нимлунöс пасйытöг туйö ог пет,
Ог пет да и ставыс, кöть тэ и смерть!
Бурөн тэд шуа, киястö вешты.
Кувны ме талун некыз ог эшты.
Ена кö тэрмасын, эн либö жöдз,
Эштöдтöмторьяссö мекöд тшöтш вöч!

МЕ ГӨЛӨСУЙТА

Тайё асылё водз менам ойбырöй ори:
Кодкө стучитчис сьөлөмө, чеччыны корис,
Пельё вашкөдіс кодкө, шуалис: «Қад нин»...
Садьми, видзөда: өшиньын нюмъялө праздник.

Быттьө тувсовъя ышмөм ва писькөдчис ёльысь:
Мөдіс визувтны уличөд карса быд олысь.
Йөзөн визувтысь ю менам син водзын туө,
Өти мөвп, өти көсйөм сэн быдөнөс нуө.

Ыджыд мөвпөн ме тшөтш паськыд уличө петі,
Муна бөрйыны талун Верховнөй Сөветө.
Гөлөсуйта ме, другъяс, на вөсна, коді
Ассыс волясө чорзьөдіс сьөкыд походын.

Коді дружитө уджкөд сьөлөмсянь, збыльысь,
Коді йөзлысь нуждаяс да көсйөмъяс кылө,
Коді зумыда кутө рульсө страналысь,
Ассым гөлөсөс талун сета ме налы.

ВӨТ

— Кывзы, пиө! Ивө, Ивө!
Вөтөн аддзылі ме дивө.—
Войшөр-войын горзіс бать,
Қор ме узи сынисады.—
Вөтнас гөлөсуйтанінысь
Бытгыө локта тіян дінө...
Кыліс гөлөс: «Гражданин!»
Менам гөгрөсмыліс син:
Қодкө локтө, ышкө-пошкө,
Аслас көзалөн кодь тошкыс,
Кузьмөс юр вылас цилиндр,
Меным шуө: «Сулав, бритт!»
Қокыс пасьтөм — трустик кежысь,
Сэсся мелань кежис, пежыд!..
Мый тэ сералан, Иван?
Дзик на өні вөлі тан.
Шуис ещө: «Эн пө пөръяв,
Мем пө висьтав, кодөс бөрйин?
Бөрьянторйыд, көнкө, мер
Али нө миллионер?»
«Сійөс он төд, сьөкыд висьөм?
Бөрйи аслам друглысь писө!
Медбур кыйсьысь. Ок и ёсь!
Сійөс куш киөн он босьт.
Уна куліс зверь сы помысь...
Абу бритт, а татчөс, коми.
Көть и зверлысь кульө пась,
Морткөд дружитны пыр дась.

Но и донсö тöдö ассьыс.
Море сайысь аслас рассянь
Аддзö, кодi сылөн друг»...
Сийö сулалыштiс здук,
Сэссия менö нимтiс йöйөн.
Ме эг терпит — лыбис кöя,
Шар кодь синмас чуть эг сьöвзы,
Ачыс казялiс да тöвзис.
Некор, шуи,— гöна кок,
Татшöм сёрнинад эн лок!

ТОМЛУНЛЫ

Бергөдчыв, кудриа, лөз синма томлун,
Позьё кө, ме вылө видзөдлы өтчыд.
Менам өд сідз жө, кызд томиник зонлөн,
Морөсын сьөлөмөй пессьё да нөйтчө.

Эг өд ме весьшөрө пөрысьмы, дзормы,
Пашкыра кудриөс тэныд ме коли.
Тышъясын кыкысь нин олөмтө дорйи,
Син водзысь мичлунтө воштыны полі.

Помнитан: пост вылын сулавлім коркө?
Сөмын тай төдлытөг воис выль смена.
Му вылын өтнадөн некор он нёрпав,
Дзоридзыд некор оз кельдөдлы тэнад.

Чөжөмтор ставсө дзик өтнадлы сета,
Ставсө, мый сьөлөмлы дона да муса.
Татысянь медбөръя туйё кор пета,
Тэныд ме коля и шондісө-й, мусө.

Жалитны водзасө меным оз ковмы,
Вөвлөмыс өніөдз ёна нин важмис.
Томлунөй, төда ме, кутан пыр овны
Быдлунъя уджын да быдрытъя гажын.

РӨДИНА-МАМЛЫ

Гөрд обозъясөн край бөрся край
Өта-мөдыскөд ордйысьны петіс.
— Примит, Рөдина, выль урожай!
Тэд пөдарок колхознөйөс сетам.

Қысь нө лыддыны, кымын обоз
Став туй вожъясөд былласянь мунө!
Талун, на вылө видзөдігмоз,
Қыкпөв гажаджык, югыдджык луныс.

Сэн жө осьлалө миян колхоз,
Водза радъяскөд кутө равнение.
— Стройын кольчыны некор оз позь,—
Тадз колхозаным шуисны членъяс.

Став Отчизнаті мөдөдчис нянь,
Сійөс быдтім ми Рөдина-мамлы.
Ещө өтчыдысь петкөдчис тан
Миян зільлун да уджалан сямным.

Гөрд обозъяслөн помтөм поток
Элеваторъяс зарниөн тыртө.
Миян му вылын волөн итог
Ыджыд радлун быд сьөлөмө пыртө.

МЕДВОДДЗА БӨРӨЗДА

Медбөръя лым тола дзебсясьö сёнын,
Чайтö, мый сы динö шондi оз письт.
Быдөн мед аддзисны тулыслысь ёнмём,
Ыбвывсö шызьöдiс том тракторист.

Тулыс да төв костын тышö тшöтш суйсис,
Төвлы пö миянысь пышйыны кад,
Тулыслы водзлань мед писькөдны туйсö,
Джуджыда гөрыштiс выль бөрөзда.

Зонманöй, мыйла тэ нюмъялан гусьөн?
Думъястö тöдам — он миянысь дзеб!
Тöдам: тэ öнiсянь ышöдан мусö,
Көсьян, мед зарни кодь лоö быд шеп.

Муыскөд сы могысь сёрнисö панiн,
Куш киөн медым не встретитны ар,
Ичмоньпу водзад мед тэнö эз янöd,
Пöтысла во чöж мед ружтiс амбар.

Зонманöй, ыбвывсö шöрав тэ, шöрав,
Бергөдлы, путкыляв сылысь быд пласт!
Тöдам öд, мыйла тэ сьөлөмсянь гöран —
Шудлунтö көсьян тэ чуктöдны тась.

ЗАРНИ КӨЙДЫС

Он эски, төда,— шуасны кө тэд,
Мый көнкө зарни визувтө пө шорөн.
Мед аддзин тайөс — кузь туйө эн пет,—
А ветлам вай колхозной жытник дорө...

Эз вөв нин тайө виччысьтөмтор мем,
Кор шуис сэн колхозысь бригадирыс:
— Янтарной исергасө козлысь төдан тэ,
Кызд өшийө югыд молльон сылөн сирыс?

И пыр жө шобді тырөн лэптис содз:
— Ме татшөм няньсө эг на аддзыв нэмөн.—
И содтис, көйдыс вылө нимкодясигмоз:
— Кызд шуласны: лы пырыс төдчө вемыс!

Со менам триер — төлка зэв и сюсь.
Быд көйдыс сьөкта серти юкны зильө,
Но весасям нин час,— а кытыр тусь
Эз вермы бракуйтны ни лэдзны килльө...

Кор көдза уджлы тулыс сетис старт,
Машина муө гижис кызь нель чуньөн.
И няня вспом йылысь быд строка
Веж петасьясөн висьталис июньын.

Ас уджөн нимкодясьны локтис морт,
Кор быд шеп өтмоз кисьмис, кышакылис.
И кажитчис, мый эз вөв сэтшөм хор,
Код эськө таысь дружнойджыка сьылис.

ГРАД ЙÖРЫН

Мем нюммунисны кыкөн: шондi да том ныв.
Но верман мöй стöч шуны — мичаджыкöсь
кюдис?

Кызд найöс торйöдан, кор кыкнанныс öтвыв
Веж пуктас быдтöны колхознöй огородын?

И кызд оз радлы сьöлöм! Видзöдлöй жö тi:
Кузь градъясылöн танi кыссьö кымын сюрöс?!
А налысь морöс вывсö нывлöн тэрыб ки
Том рöсаяс визьöн вышивайтö-вурö.

Град помсянь мöдар помсö синъясөн он судз...
А, гашкö нö, и тувсов луныс сыысь дженьыд?
Мед сiдз! Но менам ныв дiнö оз сибав мудз —
Тадз шуис удал вöрасыс том аньлөн меным.

Ме волi татчö мöдысь — вöли арся кад.
Мый аддзи тась! Кöть аслам синъяслы ог эскы.
Мем воддза серти кузьöн кажитчис быд град,
Но кöчан маच्याслы тай сэн на вöли дзескыд.

ПРӨСТА ШОНДЫС ТАДЗИ ОЗ ВАШЪЯВ...

Прөста шондыс тадзи оз вашъяв:
Мыйкө, тыдалө, казяліс ыбысь?
Адзан: зарниысь тэчөм выль башня
Великанөн сэн кыпаліс-лыбис!

Ме и гожөмнас төдлі, кызд шепнас
Чим лөз енэжлань катгысис рудзөг...
Со тай мый вылна пельпомсө лэптіс —
Кай да сэсянь көть шондісө судзөд!

Сійө сулалө джуджыд и гордөй
Паськыд ыб вылын югыд маякөн,
Бытьө индалө быд мунысь мортлы:
«Шуда олөмө туйыс пө татөн!»

Радлы, нимкодясь уджнад, колхозник!
Тэнсьыд шудлунтө юкам ми ставным.
Тайө сөрөмыс — ыджыд выль козин,
Кодөс сиам ми Рөдина-мамлы.

Ловзьө, озырмө ас чужан муным.
Сійөс тышъясөн весь ме эг прөйдит.
Эм странааным крепостьяс уна.
Тайө сөрөмыс — на пиысь өти.

ГОЖСЯ СЕРПАС

Страдна удж...
Мыйтөм удаллун сәні!
Мунам, шызьодам видзьяслысь эрд.
Шонді енэжсянь нюмъялө меным:
«Тэрмась! Вөвдөмтө¹ көтөдас зэр».

Аддза: вөр йылын вуджрасьö кунөр.
Некор гадайтны — зэрас-ө, оз?
Сыысь өдйөджык удж миян мунө,
Видзсö визьйөдлө лёдз бөрся лёдз.

— Мун съод кымөр! — Ме шуткаён кайта. —
Сөмын яналан, бергөдчы, кос.
Тэ мөй өтнамөс видз вывсьыс чайтан?
Эн көть ылав — тан быдса колхоз!

Қодкө бытьёкө шөпнитіс сәки,
Ставөн кылім ми: «Курт өдйө, курт!»
Воши вочасөн лёдзьяслөн мекйыс —
Пинятувьяс моз сяркнитчис юр...

Қымөр валитчис муралан горөн,
Қисьтіс ушатысь — зэр вөлі крут.
Сылы ми пыдди серөктіс зорөд:
«Пакөститчыны сөрмыштін чуты!»

¹ В ө в д ө м — ытшкөм турун.



Он од куж, кыз колö кутны асьтö:
Видзöдласöй, кызкö, менам стрöг.
Та вöсна мем шулывлöны частö:
«Тэ пö, зонмöй, мыйысь сэтшöм лөг?»

Ачым эськö лөгавны эг кужлы,
Сöмын кывйöй йöзысь-мортысь ёсь.
Мый нö сэсса, вылысь меным чужны?
Он тай сэтшöм дивöястö босьт!

Тöдмасьлі ме нывкөд воддза арö,
Чайтлі, менö гөгөрвоас ныв.
Ме эг лөгав, пышйыліс көть карö,
Воигкежлас дасьті мелі кыв.

Со и воис сійö ытшканінö,
Ачыс менö тöдö и оз тöд.
Пессьö менам сьöлөмöй, оз инась,
Думысь кайта: «Лоöмыд тэ мөд!»

Чөртыс, гашкö, пыраліс ме пытшкö,
Төдса нывлы сідз од он жö шу:
— Пышгъявсис кö, мися, лок да ытшкы!
Али мустöммис тэд видз и му?

Кыз тай бобувьясöс дзоридз вылысь
Нетшыштлывлö ыджыд вына төв,
Сідз жö кодкö нуис менсьым нылöс,
Воши, сылі, эз и быттьö вöv.

Шудӱй ӱмӱй менам пышйис бара?
Кутшӱм шуд? Қор мустӱмтӱ сьӱд удж...
Видзвыв бобув ӱмӱй меным пара?
Сэтшӱмъястӱ радейтны ог куж!



Он-ө нин тэ сувтөм вөлөн
Миян ягөд ветлы, кадөй?
Өддзөдлы! Мед нывлөн сьөлөм
Вермас виччысьны салдатос.

Эз-ө пө нин гырысь карьяс
Зонмөс локтигкості дзугны?
Гашкө, веськодь лои парма
Нывлөн сьөлөмшөрлы, друглы?

Збыльысь, өддзөдчис лун-войыс:
Кыськө журөбтис машина,
Сійөн виччысянтор воис,
Со и нывлөн зонмыс дінас.

Ставөн төданныд, мый вайө
Мусаыдлөн воан луныс.
Көсийысьсө, мед луныс тайө
Мукөдьяссьыс ньөжйө мунис.

КӨКӨ

Шөйтлі ме ягын и расын,
Ветлөмысь некор эг пөтлы.
Көсйи пыр гусявны аслым
Мичаа сьылөмсө көклысь.

Көкө, тэ гажөдан рытын
Вөрсө и муяслысь эрдсө.
Дон сеттөг тулыс чөж быдөн
Кывзёны тэнсьыд концерттө.

Көкөмсьыд дугөдчыв, кывзы,
Отитор висьтав мем, ноко,
Кыз тэнад, мам-мортлөн, сьывсьө,
Пиян кор быдмөны бокын?

Тадзитө зэв абу мича,
Көть тэ и лөсьыда сьылан.
Тэ кодь бродячөй певича
Абу нин чужан му вылын.

ЗЭВ БУР ГӨСТЬ

Микул гөтыр кык лун чөжөн
Мыйсө сөмын нин эз пөжав!
Тэчөмсянныс сылөн пач
Талунөдз эз мудзлы тадз.
Праздник лөсьөдны эм мыйысь,
Микул ачыс чери кыйысь,
Сэтчө жө, ерөмакань,
Б сьгис пөшти сё пуд нянь!
Гөтыр пуиг-керигкості
Микул кытшовтіс колхозті.
Қодөс аддзас, шуас:— Лок,
Пөрысь мортлысь жалит кок!
Ветлөдліс нин став сикт пасьта,
Коли кортөм кузнеч Васька.
«А-а! Меным тэ эн дор,
Сідзкө, тэнө ог и кор...
Қильчө калич нуи дорны,
Меным шуин: «Талун сёр нин,
Со пө тэрмөдлө колхоз,
Сійөс пөръявны оз позь».
Сійөс оз, а тэнө позьө!
Тадз мед он кут вөчны водзө,
Талун нарошнө ог кор,
Көть тэ-й тыдалана морт».
Микул муртса гортас пырис,
Гөтыр видзөдліс скөрпырысь:
— Көн тэ ветлан, укшаль мөс,
Со нин воисны бур йөз!

Микул чуймис: мый нō тайō,
Кузнеч Васька пызан саяс?
Кōсийс эськō шуны: «Мун!»
Сōмын артмис тай:— Бур лун!
Прōстит, вуні тәнō корныс.
— Нинōм! Эг тай, майбыр, сёрмы.
Пельтōм поплы бур кык звōн,
Ми жō тōдам тōлкыс кōн!
Микул эз тай кытшлав прōста —
Локтис керкатыр гōсть-гōстя.
Онi сэссия мун дай тōд,
Кодi первой, кодi мōд.
Микул мыгчалō сур кōшсō,
Кузнеч шуō:— Меным тшōтш жō?
Сидзкō инō, юа, вай,
Эм кō меным вылō пай.
Микулайлōн мōд нин думыс:
«Васька зэв бур гōсть — оз шумит.
Абу вылō пуксьысь морт.
Ме вот вōчи омōльтор,
Мортсō ас кадō эг кор».

«АДВОКАТ»

Вой төв лымсө гартө-чышкө,
Зыртөг койө потшөс пытшкө,
Виччысь, асьтө мед оз тырт!
Бригадирлысь лөзов чышгьян
Нетшкис асывбыд на пыр.

Том ныв оз и пукты пыдди,
Сөмын думайтө: «Он мырдды,
Весь тэ дуран, вильышпоз!
Мун да правленьеысь лыдды,
Мый сэн решитис колхоз...»

— Талун кытчө нин, бур нылө?—
Петис Яков кильчө вылө.

— Көдзны.

— Татшөмнас?.. Оз позь.

— Лымйыд тайө бөр на сылас.

— Коркө, дерт, а талун — оз.

Бригадирлөн синмыс öййө:

— Мый? Қолхознымлысь тэ көсьян
Уськөдны авторитет?

— Лымйыс оз өд усь ме вөсна?—

Дорйис асьсө Яков дед.—

Қомиөдз со воис тулыс,
Сэсся ланьтис, кыв оз шулы,
Бөр со бергөдчис апрель.

Войсяньыс нин өшинь улын
Пуркөситчө — син ни пель.

— А тэ, чайтан, турөб-айка
Вермас тышляйтчыны майкөд?
Кызд көть ку пытшсыс оз пет,
Төвлы тулысыд оз сет
Қосявлыны ассыс майка.

«Тулысөс кө морт оз дорйы,
Вермас лоны на быдторйыс?—
Но сэк чужис и мөд дум,—
«Дзик өд вернөй дедлөн сёрни,
Прөста эз жө лэпты шум?»

— Сидзкө, збыль ме муна көдзны?
— Он... Тэ мунан пөим вөчны!—
Бара орөдіс том ныв.—
Қолө подкормитны өзим.
Аддзан, кельдөдө ыбывв?

Вежсис дедө чужөм вылас,
Друг зэв кокни лои сылы:
— Қывны татшөмтортө — рад.
Мися жө, ме кыськө кывлі,
Тэ пө быттө «адвокат?»



Σαμπρα
δα
τομοφ



КӖСТЫЛЬ

Генрих Геррлӧн нылыс — Марта —
Витӧдысь нин босьтис карта.
Витӧд пӧрйӧ карта вывті
Думнас «руссъяс» муӧдз кывтліс.
Бать пӧ менам, кӧнкӧ, сэн
Дона козин чӧжӧ мем.

Кодыр гортӧ воас папа,
Кута ветлыны ме тшапа.
Сійӧ ваяс мича туфли.
Сейны кутам русскӧй булки.
Мед кӧть пӧрысь, сійӧ сюсь —
Папа пӧкӧритас Русь.

Бытьӧ тайӧ сёрни нывлысь
Генрих роч му вывсянь кывліс:
Кыззи сэзь лунӧ лёк гым —
Пу кок вылын воис зым.
Марта, кыз тай аддзис батьсӧ,
Уси джоджӧ, воштіс садьсӧ.

Садьмис Марта. Сы син водзын
Эз вӧв батылӧн дона козин.
Эз вӧв туфли — важ ни вьль,
Туфли пыдди — пу кӧстыль.

1942 во.

ПОМАВТӨМ ПИСЬМӨ

«Чолөм, менам дона Қлара!
Қыв-мөд пасйышта тэд бара.
Кулөмөн нин чайтан гашкө?
Да. Зэв сьөкыд. Лолөй кашкө.
Көдзыд. Гөгөр тойяс, пытшъяс.
Шапка воши. Новла чышъян:
Өти роч нывбаба юрысь
Қи улө мем сійө сюрис.
Көмкот пыдөс шөри поті,
Қокын новла дамскөй боті.
Тані абу, кызди Рурын —
Дед-Морозыдкөд он дурышт.
Роч дядьөлысь кори кепысь.
Эз сет. Лыйи. Сэсся сетіс.
Өні нигөн кепысь пиө
Йөршиті ме гегдөм киөс.
Өти анылысь — ме өд повтөм —
Завоюйті шоньд ковта...»
Гижөм ори: торкис Анка,
Повтөм русскөй партизанка.
Автоматысь лыйис — латш!
Зверь кык кока уси гатш.
1942 во.

КӨИН ДА СЫЛӨН СОСЕДЪЯС

Көч өтчүд садьмис асыя часө
Да пипу кырсыяс йирны петіс расө
И адзис сэтшөмтор — ас синъяслы эз эскы —
Кузь пурт зуд вылын көин вөлі кеслө.
— Тэд мыйла пуртсө, мыйла сійө тэд?
И кыліс көчүд көинлысь өтвет:
— Код төдас, кутшөм думъяс тэнад юрын,
Он ылысь видзөд, уськөдчан да-й пуран...
А рыгнас йөра гортас вөлі локтө:
«Да мый нө тайө — пу вужйысь көин петля
октө?!»

— Соседушко, тэ мый нин вөчан сэн?
А көин шуө: — Ме петля окта тэн.
Ме төда, кыйөдчан тэ дыр нин,
Қыз эськө ме ордө тэд пырны!
Мөд лунас көин позсыс вөтліс көчөс:
— Ме,— шуө,— татчө база аслым вөча.
Ўд менө быдөн кыйөдчөны вины,
А косясьны ог кут ас оланінын.—
И сэссия мөдіс омлявны вөртырнас:
— Ме дыр нин терпиті, а өні — тырмас!
Өд быдөн йирө пинь: и йөра, и гөрд ур,
Соседствоын мем накөд оз ло бур!
— Оз грөзитчы тэ вылө некод тані,
Тэ ачүд өтнад көсьян косьсө панны!—
Тшөтш скөрмис ур да вывлань лэптис бөж,—
Ми төдам — көні правда, көні лөж!

Спокойнӧя, дзик быттьӧ эз и скӧрав,
Медбӧрын ставлы шуис йӧра:
— Код ӧтнас панас кось став миркӧд,
Ми ӧтув сылысь чегам сьылдзирсӧ.

СЮЗЬ ДА КЕНЯ

Вөр пөвстті шөйтись Кеня аддзис сюзьос:

— Со,— шуө,— морыд, луннас узьө!

Өд өні жө удж вөчан кад.

А ачыс вывті-вывті рад.

— Ме тэнө янөда. Вот лодырь!

Мед дивитас став лэбач котыр.

И пуысь пуө лэбө, горзө:

— Ті төдлінныд-ө татшөмторсө?

Өд лунын он жө вод да узь,

Кызд вөчө сюзь!

Немуджтөм вылө дөзмис сизь

И Кеняыдлы шуис сідз:

— Тэ лунтыр больгин. Сьөдмис пельным.

Тэ ачыд сюзь кодь жө бездельник!

Ми аддзывлам на татшөмторсө:

Немуджтөм мукөддырйи корсьө

Код эськө сы кодь дыш,

Мед дзебны сы сайө став мыж.

БУМАЖНӨЙ ПОТОҚЫН

Начальник горзис телефон:
— Тi менö сэнi кылад онö?
И юөр вайис телефон,
Мый сийöс кывзö район:
— Директор райпромкомбинатысь!..
Ах, тайö тi, Ипат Ипатыч!
Здоровье бурöс сиа тэн..
— Кыдз делöясныд тiян сэн?—
Начальник видчан тонөн броткö,—
Мем колö сводка!
И сэсся здук мысти сы бöрын
Дзик ош моз горзис ещö скöрысь:
— Петров! Тэ уджавны он сяммы!
Ме ыстi нин сё телеграмма..
А мый жö мяян артмö тан?
Тэ век на важмоз он тырт план!
Öд тайö дивö, ыджыд дивö,
Ки мудзтöдз гижа директива:
Ме ог на помнит сэтшöм лун,
Қор мясянь циркуляр эз мун.
Начальник-мортысь öд быть пов,
Но век жö водзсасис Петров:
— Дзик ставыс тайö тöдса мем.
Ме кийсь эг на пуктыв ем,
Бумага помся вура, вура..
Кысь сэсся уджавны мем бура.
Сэк результатыс пыр неважнöй,
Қор веськöдлöмлөн стиль — бумажнöй,

СЮСЬ ВА ЮЫСЬЯС

Предсельполён юрыс дзёрё,
Қөсйё потны и оз пот.
Шуё:— Қөвъясис мем пөрөс,
Он мын, он кө спиртён сот!

Гашкё, збыльысь, юрын олё
Пеж, проклятой алкоголь?
Қолё вётлыны, дзик колё...
Мыйён вётлан? Грөш эз коль.

Көть тэ кув, а он тай шонтысь.
Некод висьомөс оз төд.
Часлы, премиальной фондусь
«Водзөсавла» шайт сё-мөд.

Отнам, дерт, ог пожъяв вомөс,
Вөча сідз, мый кыв он шу!
Сэсса корис предревкомөс:
— Ноко, суюсь васё тшөтш ю!

Вомсё восьтыліс нин квайтусь,
Квайт доз косьтіс предревком.
Воас кад — и дзикөдз ланьгас,
Оз шу кыв, оз восьтыв вом.

Со и кадыс сійё воис,
Вөчө предсельпо отчёт:
— Ставсё у-у-бытка сёйис...
Тшөтш и премиальной фонд...

— Сөрны сөр!— сэк кодкө шуис,—
Сөмын висьтав тэ, бур морт,
Ставсө уна-ө нин юин,
Қымын стопкооборот?

— Мый оз сёрнит предревкомыс,
Коді вурис сылысь вом?
— Аддзө: видзальштны ковмас,
Воис предалөмлы пом.

Предсельполы вольнөй светыс
Эз нин югдыв пөшти во.
Өні эськө-й садьыс петіс,
Но эз вөв нин предсельпо.

ТУЙТӨМ НАЧАЛЬНИК

Начальник аслас доротделө,
Кор мунліс подөн, мунліс смела:
Туй вөлі шылъыд — вутш ни гөп,
Скат улө эз ков тэчны лөп.

Приказъяс гижны кужліс бура,
Қыз шуө ачыс: «Мыльк ни гуран!»
Қыт тшөктіс, удж пыр муніс сэт,
Ас колеясыс скөнъ эз пет.

Но кыз көть петкөдліс морттуйсө,
Начальник век жө вөлі туйтөм:
Өд сылы исполкомса пред,
Кор сетіс индөд, мунны мед

Виз сиктысь вөчны киссьөм пос,—
Начальник предлы сөмын шуис:
— Рад муна ме, да абутуйыс...

КУПЛЕТЪЯС

Өтчүд малышті выль шкап,
Киөс дойдіс көрт тув шляпт.
Найөс тувъявлөма сідз,
Быттьө ставыс югыд кизь.

Видлалі ме комын пызан,
Көть и кокъясныс гыр кыза,
Век жө э́з сюр чоттөм кок —
Вот и ньөбасьысь оз лок!

— Со пө вошөм черлөн пуыс,—
Вузасьысь мем өтчүд шуис.
Аддза: штампас «Первой сорт»—
Но оз ньөб ни өти морт.

Улөс быттьө эськө улөс,
Сөмын лөмөсь тай ки улад.
Көть эськө и содтан лак,
Но өд бракыд век нин брак!

Мегыръяс ми аддзам синтөг,
Мый оз туйны найө синтөг.
Өти мегыр, он кө син,
Ньөбасьысьяслы оз ин.

Коді вөчө татшөм мебель,
Ачыс вузасяс мед недель.
Мегыр вөчысь магазинас
Вежон чөж мед мегыр синас.

КОДИ ТАЙӦ?

Сійӧ, другӧ, пыр на ловъя.
Сысы пов. Эн ськӧд довъяв.
Весиг пляж вылын лун чӧж
Некор ськӧд мыш эн пӧж.
Тешкодъ сылӧн оланногыс:
Керка тырыс бусыс, ёгыс.
Няйтыс, куранӧн кӧть курт,
Со ӧд сійӧ кутшӧм дурк!
Оз кӧ некод вайлы васӧ,
Ютӧг олас рыт и асыв.
Тшӧктан сылы:— Шыдсӧ чӧвт!
Шуас:— Мыйла? Ме жӧ пӧт.
Пӧт. Но пуксяс пызан сайӧ,
Сӧмын сӧян унджык ваяв,
Паньыс ветлӧ сэт и тат,
Абу пань, а автомат.
Кӧнкӧ праздник кодъ кӧ кывсяс,
Кӧть сӧ верст, а подӧн кырсяс.
Кытӧн колӧ вӧчны удж,
Сэтчӧ-й шӧрт вомӧн оз вудж.
Ыстан гӧрны — муыс полӧ.
Первой шойччыштны пӧ колӧ.
Аслас мусыс паськыд мыш...
Код нӧ тайӧ?.. Дерт жӧ, дыш!

ЖАЛӨБНӨЙ КНИГАЫСЬ

Райцентрö вои буретш войнас
И думайта, көн узыны мем?
Қор төдмалі, зэв нимкодъ лои,
Мый шойччан керка тани эм.

Мем пыр жö кодкö восьтіс иган
И лэдзис менö гөстьöс моз.
Ме босьті жалөбнөй важ книга,
Мед гижны: «Аттö тэд, комхоз!»

Эг норасьны өд лок ме татчö.
Көзаяйка, төдчö, шань, бур морт.
Но книгаысь ме мөдтор аддзи,
Сэн кодкö гижö мисьтөмтор:

«Эг узь ме войсö — лудік сөйис.
Став морöс гөрд, став бокöй гөрд.
Зэв тешкодъ мөвп мем юрö воис:
«А мыйла мортыс абу көрт?»»

Мөд гижö: «Пиньöй таркакыліс,
Ой, ёна жö нин войыс кузь!
А татчөс зав оз, небось, ылав,
Оз ме моз кодзыдінын узь».

Со кырымпас. Сы улын дата.
Да тайö важөн вөвлөмтор!

И корси медся выль цитата,
Сэн со мый гижö тöдтöм морт:

«Ми туй йöз ёна ошкам ставөн,
Зэв бура вöчис райкомхоз,
Мый вöтліс лудікъяслысь завöс
Да вöтліс тшöтш и лудік поз.

Важ зав кор воштіс шоныд места,
Тан вежсис климат пырысь-пыр.
Выль зав став пачсö ломтö-пестö
И кöдзыд оз нин чепляв ныр».

Ме тупки жалöбнöй важ книга.
Бур повесть кодь жö сійö дзик.
Сэн абу фальш ни лöж интрига,
Зэв бура разьсьö сэн конфликт.

Но оз на, дерт, пыр овлы тадзи.
А сэтшöмторйыс ёна жаль,
Мый оз на норасьысь пыр аддзы
Ас колöм сертиыс финал.

ТШАП ҚАРП

Тайё мый?! Қарпуша Тырин
Гортас чатөртчөмөн пырис:
Нырыс пөтөлөкөдз дзик,
Бытьё Гималайлөн пик.

Мамыс повзис, петіс паныд:
— Мый нө тэкөд, Қарп Иваныч?
Эз-ө нин лөк паралич
Юртө тәнсыд чатөрт сідз?

Мый нө лоин, чурки-буди?
Весиг гөтравны эг удит.
А Қарпуша — кыв ни джын.
Қыз статуя — ставнас кын.

Мам оз аддзы аслыс места.
Муніс лун-мөд мысть стройтрестө.
Вөлөмкө тай сылөн Қарп
Абу сөмын гортас тшап.

Со и тані нырыс сылөн
Стройкавивса кранысь вылын.
Неужели Қарплөн ныр
Татшөм вылын лоас пыр?

Шогсьө мам: мый лоис пикөд
Збыльысь өмөй висьмис дзикөдз?

Кодкө шуис:— Шогсян весь.
Они сы кийн дзонь трест.

Мыйон шедис чин — Карпуша
Керка вевтөдз зэвтис туша.
Во-мөд тэчис кө кирпич,
Дерт, эз эськө «висьмы» сідз...

Колис воджын. Миян Тырин
Гортас копыртчөмөн пырис:
Сылөн увлань лэччөм ныр
Муртса джодж пөвсө оз зырт.

Шензьө мам:— Мый корсян мусьыс?
Гашкө, пиө, чиньд усис?..
Эн начальникон тэ чуж,
Ас вын серти корсь выль удж.

Мыйон выль удж аддзис Тырин,
Ас местаас воис нырыс.
Мамыс шуө:— Вот и бур,
Тадз пыр колө кутны юр!

ГӨТЫРПУЫС ТАН НА

Шуточнӧй сьыланкыв

— Мый тэ, зонмӧй, зумыш,
Мыйла жаль тэд нюмыд?
Ӧшӧдӧмыд юртӧ,
Зэв мӧй тайӧ буртор?

Тэысь шаньыс, ёныс,
Эм-ӧ миян зонмыс,
Кодкӧ нӧ колхозын
Эм мӧй тэысь озыр?

Тэ кодь бригадирӧс
Мыйла шогыс йирӧ?
Карта тырыд скӧтыд,
Колӧ сӧмын гӧтыр.

— Гӧтырнас и быдӧн!
Водзсӧ вӧлӧд кытӧн?
Гӧтырпу кӧ мунӧс,
Мый мем озырлуныд?

— Сӧдзкӧ, тэ эн тӧдлы,
Нылыс, вӧлӧм, мӧдлӧн.
Тэнад кӧнкӧ тан на,
Настенька ли Анна.

— Аттьö, дона нывъяс,
Шуинныд бур кывъяс.
Öнi ог нин сорсьы,
Ассьым кута корсьны!

АЧЫС КЕКӨНАЧИС

— Народ быд песня менсьым сьылө,
Ме юрга пыр эстрада вылын.
Мөд ме кодь песенник оз пет!—
Тадз меным ошйысис поэт.
Но песнясө эз примит хор,
Став хорөн сьыліс:— Туй-төм-тор!
— Ті сайө оз на саяв олөм!—
Сэк кылім ми поэтлысь соло.
Йөз горзө:— Асьтө али кодөс,
Бур мортөй, лыддян тэ народөн?
Весьшөрө виччысис солист —
Эз горзыны поэтлы «бис».
И сійө ставыс пыдди ачыс
Ки кучик поттөдз кекөначис.
Друг кодкө чургөдіс букет:
— Став войтыр нимсянь тайө тэд!
Поэтлы нимкодь вөлі кутшөм,
Но мыйла чукырөссис чужөм?
Тадз сылысь садьмөдісны вежөр:
Букетын эз вөв лавр, а — петшөр!

ЛИШНӨЙ МОРТ

Эн лишнөй мортос корсьой татысь.
Тан быдөн лыддыссьоны штатын.

Быд мортлөн аслас чин:

Главбухлөн вөлі өкмыс бух,
Но өтчыл делө сэтшөм лон дзуг,
Мый дасөдыслы эз сюр пуксянин.
Джодж шөрын сулаліс нин куим скамья,
Көн пукалісны замъяслөн став замъяс,
А өти зам эз төр.

Директор ветлөдліс зэв скөр...

И пыр жө шыөдчис горкомө
Да корис вуджөдны мөд домө,
Тан, шуө, дзескыд — веськыд мат,
Ме кытчө вошта ассьым аппарат?

Моральсыйс тані нинөм, дерт,
Қор эм нин горкомлөн өтвет:
«Тэ ачыл сэн, директор ёрт,
Дзик лишнөй морт».

КЫК БИ КОСТЫН

Чардбисянь вöрын ыпнитіс пöжар,
А кадыс вöлі жар.
Би кутіс паськавны пыр водзö.
И медым пыр жö юöртны лесхозö,
Медматыс сиктö котöртіс лесник,
Но сэні бара суис пик.
Дзик пыр жö пошта вылын сійöс
Связистка «сотыштіс» мöд биöн:
— Тэ телеграмманад, зон, сёрмин,
Ог вермöй орöдны ми сёрни.
Лесник сэн ку пыткас оз тöр:
— Тэ гөгөрвоан — сотчö вөр!?
— Эн, мися, суйсьы! Öд райсвязь
Мöд час нин передайтö «молния-приказ»:
Пöжаръяскöд кыз тышкасьны. А тэ:
Он гөгөрво ни «А», ни «Бэ»!
Кöть ачыс нин лесник
Би моз жö ыпйö дзик,
Но сійö, коньöранöй, оз тöд
Кыз петны сылы кык би костысь...
Кык час мысть помассис приказ,
И прöстмис связь,
Но бисö кусöдысь крут зэрыс
Связь дорысь вöлі ёна тэрыб.

Да! Унаысь на овлö тадзсö,
Кор кодкö тöдö сöмын асьсö.

«ДРУГЪЯС»

— Синьор! Тэ буретш колан мем.
Вай пөрччы пасьтө,— шуис Сэм,—
Сы вылө долларджын ме сета.
Синьор жө Сэмлы паныд петіс:
— Друг-мортлысь босьтан зэв нин донтөг...
Сэм пузис:— Менө өмөй он төд?!
Өд эг кө другъяс вөлөй, тэн
Пась вылад эг сет весиг цент!

МАНЁВР ДЫРИИ

Американскöй зона. Мирнöй кад.
Но сиктын взорвитчис снаряд.
Друг öзйис керка. Бөрддзис пöч.
А янки:— Лёкös ме эг вöч.
Тэ, фрау, нинöмсьыс эн пов —
Öд тайö сöмын на манёвр!



Моїдьяс





ДРУЖНОЙ КОТЫР

Югьд би моз ломзё ылын,
Петё кыа асыввылын.
Ывла рёмыд югдө, сөдзө,
Сиктын воссё карта өдзөс.
Петё сэтысь сiм съод өш,
Синмыс быттьё ыргөн көш.
Ачыс буалө да шуө:
— Он на пөрччөд менсьым куөс!
Сюрис кө нин пышъян туй,
Татчө менө бөр он суй!
Сэк жө гидысь петис мегө:
«Ме пө тшөтш жө пышъя тэкөд.
Таво менө начкан во жө,
Пышъя — ола на дас гожөм.
Тэкөд төвъям на дас төв,
Сэсса мый көть сэн эз вөв!
Кыкөн мөдөдчисны водзө,
Видзөдөны: локтө дзодзөг,
Ропочитө: «Го-го-го!
Муртса,— шуө,— смерть эз во.
Ме өд петляө нин шедлі,
Сөмын удайтчис бөр петны:
Ори рушмөм нырагез.
Сэсса оз нин кый мөд вез!»
Мөдөдчисны куим друг,
Кыськө шпоркнитчис петук:
«Қара-ул! Ку-ка-ре-ку!

Муртса, — шуö, — смерть эз су...»
Ош и шуö: «Мунам нельöн,
Тэнö öтнадтö ог кольöй!
Со и югдiс нин мöд асыв,
Нель друг воисны веж расö.
Ыджыд керка парма сайö
Öтув стрöитiсны найö.
Олiсны сэн шынитöv,
Нинöм лекторйыс эз вöv.

* * *

И вот öти арся лунö
Вөрöд ош тапсьöдiс-мунiс,
Нитш вольöса джоджöд тшапа
Кыскис асьыс ыджыд лапа.
Мунiгмозыс югыд син
Аддзис ручлысь оланiн.
Буретш вöли ручö-чойö
Аслас позйын тар яй сейö.
Ручыд казялiс лек ошкöс,
Петiс паныд, сийöс ошкö:
«Мишук, ёна жö тэ бур,
Тэысь бурыс мöд оз сюр!
Менсьым тарöс он кö мырдды,
Вöча ыджыд бур сы пыдди.
Тэд кö сейны ёна колö,
Расын танi сьöд öш олö,
Сэн жö петук, меж дай дзодзög,
Со көн чöсмасьныс тэд позьö!»
Ош и шуö: «Збыль кö тадз,
Сэтчö котöртла ме скач,
Сöмын, пөръялан кö менö,
Ловъя вывсьыд сёя тэнö!»

Эз тай ылав, эз тай вош,
 Сшлысь керка аддзис ош,
 Збоя кутіс пырны сэтчө,
 Ошкыд шуис: «Огө сетчөй!
 Ошкөс огө лэдзөй бурөн!»—
 Сэсся зургис кыкнан сюрөн,
 Жмитіс зверөс посводз стенө:
 «Он кө весась, виа тэнө!»
 Керка пытшкысь петіс меж:
 «Мыйла локтін, ок тэ, пеж!»
 Ошлы сюрнас —«клюн» да «клён!»
 «Мунан он? Мунан он? Мунан он?»
 Тэрмасьөмөн петіс дзодзөг,
 Горзө: «Ошлысь босьтөй водзөс!»
 Скөрысь горзө: «Го, го, го!
 Он кө весась, бур оз ло!»
 Дыр зэв сійө пиньнас гетшкис,
 Ошлысь яйсө ульнас нетшкис.
 Сэсся ставсьыс медся бөрын
 Горзис петук керка шөрын:
 «Коді сэні, коді сэні?
 Ноко, вайлөй сійөс меным!
 Юрын сабля, бөжын коса,
 Нылышта да шойсө воса.
 Кокын пыридз лэчyd, ёсь,
 Коді сэні паніс кось?»
 Ош тай пескыльтчис став вынөн,
 Муртса ловсө сеттөг мыні,
 Ньөв моз төвзыштис сьөд вөрө,
 Эз лысьт видзөдлыны бөрө.

Ручо-чойо дінө бөр
 Ошкыд воис мудз да скөр:
 «Некысь,— шуо,— ош эз сюр...
 Чуть эг вошты ассъым юр.
 Вои өти керка дінө,
 Чайті, өшлөн оланіныс.
 Збоя куті пырны сэтчө,
 Кодкө шуис: «Огө сетчөй!»
 Видзөда, а сэн съод дядьбө,
 Джынвыйо ме вошти садьбөс.
 Киас сылөн вөлі вила,
 Ой-ой, кутшөм лэчыд йыла!
 Кыдз тай сэсса сійө менө
 Ёсь виланас жмитіс стенө!
 Пыр жө кузнеч сэтысь петіс,
 Қорт мөлөтөн задйө сетіс,
 Кутіс кучкавны «шкув» «шков!»—
 Көртыд мөрччитөг оз ов?
 Кузнечьясыд вөлөм кыкөн,
 Локтіс мөд зэв ыджыд зыкөн.
 Дон клециөн менсьым яй
 Нетшкыштіс жө ассъыс пай!
 Главнөй страстьсө кылі бөрын,
 Кодкө горзіс керка шөрын:
 «Коді сэні, коді сэні?
 Ноко, вайлөй сійөс меным!
 Юрын сабля, бөжын коса,
 Нылышта да шойсө воса,
 Кокын пыридз лэчыд, ёсь,
 Коді,— шуо,— паніс кось?»
 Ме тай пескыльтчи став вынөн,
 Муртса лолөс сеттөг мыні.

Со и вои бөр тэ динё...
Сідзкё, пөръясьёмьд инё?
Таысь, ручёй, он мын бурён,
Таысь мынтысян тэ юрөн!»

* * *

Ёш да петук, меж да дзодзёг
Бура олісны и водзё.
Сёмын ог тёд найё кёнёсь,
Гашкё-й, расынёсь на ёнёдз.

КЫСУК ДА СЕРКО

Ме төда на ас сиктысь өтка важ керка,
Кытөні овлісны Кысук да Серко.
Кань вөлі авъя: пыр мойдіс да кургис,
А Серкоыс, понйыс — ышнясьысь, мургысь.
Кысук тай өтчыд дөзмис дай шуис:
«Эмось пө бур йөз, паськыд зэв муыс.
Тэкөд кө, Серко, овны ог төрө,
Дзескыд кө керка — муна ме вөрө».

Кысуклы шуштөм на первойысь вөрын:
Гоньялө, видзөдө водзысь и бөрысь,
Ды-ыр муніс сідзи... Вынтөммис, мудзис.
Шойччыны пуксис и казяліс ручөс.
Ручыд и шуө нюмъялігтырйи:
«Мудзин кө, мунам ме ордө, жырйө.
Челядьөс менсьым видзны сэн кутан,
Пөжыштан көвдум, ырөштор шутан.
Майбыр, тэд тырмас чериыд, яйыд!
Кысь корсян олөмсө бурджыкөс таысь?..»
Жугыльлун каньлысь босьтісны киөн —
Руч ордө долыда восьлаліс сійө.
Регыд ли дыр ли — коркө не коркө
Руч шуө каньлы: «Эновтла поркйөс¹,
Кыйсьыны ветла — кадыс со ар нин,
Оз-ө шед меным дозмөр ли тар ли?»

¹ Порк — нора.

Муніс да тарлысь вечиксö чегис
(Мойдад тай быдтор артмö зэв регыд!)
Кыйдöсөн гортас мөдөдчис бөр нин,
Казяліс ош да руч вылө скөрмис:
«Виччысь тэ, ручöй, он кө сет тартö
Вужъясөн пыр жö пу бердö гарта!»
Ручыд сэк ошкыдлы паныдөн кайтö:
«Мый нö тэ пыр на важмозыд чайтан?
Вөрзёдлы толькө!— Кысуклы удта,
Чужöмад пыр жö сьöлыштас-шпуткас!
Сы водзын он на зэв ёна эръяв.
Ёсь гыжнас регыд синъястö перъяс,
Либö кө пöльыштас — кок йывсьыд усян!..»
Видзөдліс ошкыд гөгөрбок, сюся.
Повзёмсьыс быдөн кышмуні гөныс.
Думыштіс: «Коді пö сэтшөмыс, көні?
Эз-ö пö ручыд менö, зон, көмөд»—
Кватитчис... Ручыдлөн местаыс сөмын...
Тэрмасьö руч — өд матын нин поркйыс.
Да бара сэн көин туйпомсö торкис.
Эралö, мургö: «Вай пö мем тартö!
Тэкөд пö, наянкөд, дыр ме ог артась...»
Ручыд жö көинлы паныдөн кайтö:
«Мый нö тэ пыр на важмозыд чайтан?
Вөрзёдлы толькө!— Кысуклы удта,
Чужöмад пыр жö сьöлыштас-шпуткас!
Сы водзын он на зэв ёна эръяв,
Ёсь гыжнас регыд синъястö перъяс,
Либö кө пöльыштас — кок йывсьыд усян!..»
И мөдөдчис көин аслас туй кузя.

Көинлөн ошкөд көртасис сёрни,
Шуисны найö пир вылө корны

Кысукӧс. Сыкӧд тшӧтш ручильӧс-чойӧс.
Начкам пӧ мӧс да асьным ог сӧйӧ.

Вӧр костын, сӧнын — туруна кушин:
Руалӧ сӧні начкӧм мӧс туша...
Ош вӧлі водзвыв нин кайӧма пуӧ,
А кӧин сэн тіралӧ, ошкыдлы шуӧ:
«Отнамӧс кӧсьян тойыштны гуӧ?
Омӧль тэ друг, колин кӧ муӧ
Этатшӧм, мисьтӧм, страшной зверь дорӧ...»
Но сӧки жӧ аддзис: матын эм зорӧд,
И зырӧдіс сэтчӧ — эз котӧрт, а лӧбис,
Яйсӧ и кусӧ зорӧдӧ дзебис.
Сӧк кежлӧ гӧстьяс нин локтісны кылӧ:
Кавшасис Кысук мӧс туша вылӧ,
Чатӧртчис, нявӧстіс кузякодъ: «м-ма-ло!»
Чуймӧма ош: «Горшыс пӧ талӧн?!
Быдса мӧс туша да этша пӧ, видзӧд?
Ачыс жӧ менам лапайсыс ичӧт?!»
Кӧинлы зорӧдсянь нинӧм оз тыдав,
Повзьӧмла юрсӧ тувъяліс пыдӧ.
И ӧні со полігтыр
Бергӧдчис ортсылань юрӧн,
Но виччысьтӧг, кызкӧ, кышмуніс турун.
Кань чайтіс шырӧн да зырӧдіс сэтчӧ,
А кӧинлӧн сьӧлӧм — кокас нин лӧччӧм!
Эз тӧдлы, кызди вирдыштіс вӧрӧ...
Каньлӧн жӧ синмыс кайис плеш шӧрас
Да садьтӧгыс сӧйӧ чеччыштіс пуӧ,
А пу йывсянь ош изъясис муӧ.
И пу дорсянь визънитіс ӧти сьӧд вуджӧр —
Сӧн вомӧн Мишка лыйыштіс-вуджис...
Радысла ручлӧн вомыс оз топав:
— Лок,— шуӧ каньлы,— мӧс яйсӧ лопайт!..

Яй дінын ручыд эз тай дыр бергав —
Эрд вылө вөрсянь быйкнитіс Серко.
Ручыд эз ылав, казяліс понйос:
«Ак, шуө, рөкыд чуть-чуть эз конйышт!»
Серко пыр исасиг шойланьö локтіс,
Тыдалө, казяліс зверьяслысь кок туй.
Гоз-мөдысь кытчөкө ылөсас увтіс,
Эрд шөрө сэсся чуймөмөн сувтіс:
Шензьö, оз гөгөрво, мый вөчсьö тані,
Мөс туша вильөдө Кысукуыс, каньыс.
«Э-э, — шуө, — друг, гашкө нин, корсянь
Тэнö ме, Кысук, лун и вой корся.
Мися, өд өтнадөн кулан ли вошан,
А вөлөм кө тэ —меысь на дошлөй!
Висьтав, тэд мөссö коді нө начкис,
Али нө сійö кувсьöма ачыс?»
Шпыньмуніс кань:—«Ньöти ог ошйысь.
Мөссö ме тайос мырдди лөк ошлысь».
Пон көсийис серавны кань сөрөм вылө,
Но эз лысьт. Од ошкыслөн дукуыс на кылө.

Та бөрын Серко некор эз скөрмыв,
Адзис, мый Кысук сытөг оз йөрмы.
И водзö зэв дружныöя олісны найö,
Сідзкө, и мойдсö помалам тайөн.

«СЬӨД КОЛОДА»

Шой кодьөдз нин мудзис гөрысь:
Вөлыс омоль, вөлыс пөрысь,
Өдва-өдва кыскө гөр,
Чуть-чуть кок йывсьыс оз пөр.
Дядьө соснас пөсьсө чышкис,
Аслас гургө кынөм пытшкас:
Кадыс пажынысь нин сёр.
Колө перйыны нуртор.
Вөвсө лэдзис паськыд борйө.
Толькө кутчысис нянь торйө —
Кьдз тай вөрсянь «рутш» да «ротш»,
Гөрысь динө петис ош.
Равзө: «Мый тэ сөян өтнад?
Тэнад сөйөмөн ог пөт ме!
Бурөн вөвтө меным вай,
Пөшти во эг сөйлы яй!»
«Мый тэ, Мишка,— нюмдис дядьө,—
Эн көть вошты менсьым садьөс.
Кодыр гөрсяс менам му,
Сэки-й вөлөс босьт да ну...»
Ош оз бурась, ош зэв скөр на,
Горзө: «Дыр-ө кутан гөрны?»
Гөрысь шуө: «Сизим лун.
Ньөти гөрөмыс оз мун...
Доддьяслан кө эськө ачыл,
Чайта, бурджык лоө тадзи?»
Сөгласитчис ош: «Давай!»

Гөрышта, и — лоас яй».
Дядьö мөдiс гөрны ошкөд,
Ошкыд гөрсө кыскө-нөшкө,
А кор бокас инмас ньөр,
Бугжыльтчылас — лөг да скөр...
Ставыс бур, но гөрсяндорыс
Вөрысь кыйсьысь петiс, морыд!
Ошлөн югнитлiс веж син:
«Инды, — шуө, — дзебсянiн!»
Дядьö лэдзасис зэв өдйө,
Ошлы шуис: «Котөрт рөдйөн!
Мун да менам доддьö вод,
Сэсь оз казаяв кыйсьысь морт...»
Со и матысмис охотник:
«Чолөм! Гөрныд тадзтө кокни.
Гөрысьыдлөн кө кык вөв,
Уджыд содө жө кыкпөв...
Висьтав, доддяд кодi водiс?»
Гөрысь нюмдiс: «Сьөд колода».
Дыр нин танi куйлiс весь,
Нуа гортө — вөча пес.
«Сьөд колода» помө кыйсьысь
Чернас сөтыштiс мыйвынсьыс.
«Тайөс, — шуө, — оз лый бес,
Татысь век нин артмас пес!»
Гөрысь нимкодъысла жөдзө:
Лон кыйөма «кык көчөс».
Пөрысь Каркоыс эз вош,
Да и доддяс — виөм ош!

Тайө вөвлiс кор да көнi?
Важөнкодъ нин. Миян өнi
Муяс гөрө тракторист,
Ошкыд сы дiнө оз писът!

ОГЛАВЛЕНИЕ

Салдатлөн туй

Кыз мамлы муса аслас кага	5
Эг вөв ме өтнам	6
Кызкө тай лөсьыдтөм, ставыс ненога	7
Ме кө кула..	8
Восьті ме книгалысь корка	9
Мусуклы	10
Море вылын	11
Ертъясөс дзебигөн	12
Дружба йылысь баллада	13
Ас рөднөй крайсянь	15
Важкодь на мича	21
Лым еджыд хата	22
Мамө, кыла өд ме шогтө	25
Тьөзөяс	26
«Пывсян»	28
Лазаретын	30
Өстап	32
Ань ордын	38
Вит Май	40

Менам парма

Аттьө тэд,* партия	45
Октябркөд тшөтшъялы	46
Партиякөд	47
Музейын	49
Арабъяскөд сёрни	50
Кашиноын бияс	51
Сійө төдө	52

Дружба	54
Менам парма	55
Ельдорса думъяс	56
Смелъяс, ёнъяс	57
Мам сьёлөм	59
Ыджыд дружбалөн свет	61
Оти садйын	63
Москва	65
Эжва	66
Прөста, весьшөрө зильлі ме коркө	68
Тэ өд помнитан на ачыл	69
Нимлун йылысь	70
Ме гөлөсуйта	71
Вөт	72
Томлунлы	74
Рөдина-мамлы	75
Медводдза бөрөзда	76
Зарни кёйдыс	77
Град йёрын	78
Прөста шондыс тадзи оз вашъяв...	79
Гожся серпас	80
Он өд куж, кыз колө кутны асьтө	81
Он-ө нин тэ сувтөм вөлөн	83
Көкө	84
Зэв бур гөсть	85
«Адвокат»	87

Сатира да юмор

Көстыль	91
Помавтөм письмө	92
Көин да сьлөн соседъяс	93
Сюзь да Кеня	95
Бумажной потокин	96
Сюзь ва юысьяс	97
Туйтөм начальник	99
Куплетъяс	100
Коді тайө?	101
Жалобной книгаысь	102
Тшап Қарп	104
Гөтырпуыс тан на	106
Ачыс кекөначис	108
Лишной морт	109

Кык би костын	110
«Другъяс»	111
Манёвр дырйи	112

Мойдъяс

Дружнõй котыр	115
Кысук да Серко	120
«Сьõд колода»	124

Иван Михайлович Василин

МОЯ ПАРМА

Стихи

На коми языке

Оформление Н. М. Ершова


Редактор *С. Морозов.*

Техн. редактор *П. Коданев.*

Сдано в набор 23/IV-1957 г. Подписано к печати 8/VI-1957 г.
 Формат 70×92¹/₃₂=2,0 бум. лист. 4,68 печ. лист. (Уч-изд. лист.
 3,68). Тираж 1000 экз. Заказ № 1391. Ц00808. Коми книжное
 издательство. Дом печати. Цена 2 руб. 45 коп.

г. Сыктывкар, Республиканская типография Полиграфиздата
 Министерства культуры Коми АССР





Ивановичей А.

~~2 ш. 45 к.~~

Цена 0 р. 10 к.